

四庫全書

子部

欽定四庫全書

子部

景岳全書卷五十一

詳校官太醫院醫士臣舒岱

編修臣倉聖脈覆勘

總校官原任中允臣王燕緒

校對官原任編修臣勵守謙

謄錄監生臣于時和

欽定四庫全書

景岳全書卷五十

明 張介賓 撰

新方八畧引

藥不執方合宜而用此方之不必有也方以立法法以制宜此方之不可無也夫方之善者得其宜也得其宜者可為法也方之不善者失其宜也失其宜者可為鑑也第法有善不善人有知不知必善於知方者斯可以

執方亦可以不執方能執方能不執方者非隨時之人不能也此方之所不可廢者正欲以啓發其人耳余因選古方之得宜者共若干首列為八陣已不為不多矣第以余觀之若猶有未盡因復制新方八陣此其中有心得焉有經驗焉有補古之未備焉凡各方之下多附加減等法及分兩之數俱有出入不一者正以見方之不可執也八陣之中如攻方寒方之不多及者以古法既多不必更為添足也大都方宜從簡而余復冗之

不尤鄙乎正意在冗中求簡耳此制方之意也然用方之意則猶有說焉夫意貴圓通用嫌執滯則其要也若但圓無主則雜亂生而無不可矣不知疑似間自有一定不易之道此圓通中不可無執持也若執一不反則偏拘生而動相左矣不知倏忽間每多三因難測之變此執持中不可無圓活也圓活宜從三思執持須有定見既能執持又能圓活其能方能圓之人乎而人其為誰哉

一補畧

一補方之制補其虛也凡氣虛者宜補其上人參黃芪之屬是也精虛者宜補其下熟地枸杞之屬是也陽虛者宜補而兼煖桂附乾薑之屬是也陰虛者宜補而兼清門冬芍藥生地之屬是也此固陰陽之治辨也其有氣因精而虛者自當補精以化氣精因氣而虛者自當補氣以生精又有陽失陰而離者不補陰何以收散亡之氣水失火而敗者不補火何以甦垂

寂之陰此又陰陽相濟之妙用也故善補陽者必於陰中求陽則陽得陰助而生化無窮善補陰者必於陽中求陰則陰得陽升而泉源不竭余故曰以精氣分陰陽則陰陽不可離以寒熱分陰陽則陰陽不可混此又陰陽邪正之離合也故凡陽虛多寒者宜補以甘溫而清潤之品非所宜陰虛多熱者宜補以甘涼而辛燥之類不可用知宜知避則不惟用補而八方之制皆可得而貫通矣

二和畧

一和方之制和其不和者也凡病兼虛者補而和之兼滯者行而和之兼寒者溫而和之兼熱者涼而和之和之為義廣矣亦猶土兼四氣其於補瀉溫涼之用無所不及務在調平元氣不失中和之為貴也故凡陰虛於下而精血虧損者忌利小水如四苓通草湯之屬是也陰虛於上而肺熱乾欬者忌用辛燥如半夏蒼朮細辛香附芎歸白朮之屬是也陽虛於上忌

消耗如陳皮砂仁木香檳榔之屬是也陽虛於下者
忌沉寒如黃蘗知母梔子木通之屬是也大便秘泄
者忌滑利如二冬牛膝苈蓉當歸柴胡童便之屬是
也表邪未解者忌收斂如五味棗仁地榆文蛤之屬
是也氣滯者忌閉塞如黃芪白朮薯蕷甘草之屬是
也經滯者忌寒凝如門冬生地石斛芩連之屬是也
凡邪火在上者不宜升火得升而愈熾矣沉寒在下
者不宜降陰被降而愈亡矣諸動者不宜再動如火

動者忌溫煖血動者忌辛香汗動者忌蕪散神動者忌耗傷凡性味之不靜者皆所當慎其於剛暴更甚者則又在不言可知也諸靜者不宜再靜如沉微細弱者脉之靜也神昏氣怯者陽之靜也肌體清寒者表之靜也口腹畏寒者裏之靜也凡性味之陰柔者皆所當慎其於沉寒更甚者又在不言可知也夫陽主動以動濟動火上添油也不焦爛乎陰主靜以靜益靜雪上加霜也不寂滅乎凡前所論論其畧耳而

書不盡言言不盡意能因類而廣之則存乎其人矣
不知此義又何和劑之足云

三攻畧

一攻方之制攻其實也凡攻氣者攻其聚聚可散也攻
血者攻其瘀瘀可通也攻積者攻其堅在藏者可破
可培在經者可鍼可灸也攻痰者攻其急真實者暫
宜解標多虛者只宜求本也但諸病之實有微甚用
攻之法分重輕大實者攻之未及可以再加微實者

攻之太過每因致害所當慎也凡病在陽者不可攻
陰病在胸者不可攻臟若此者邪必乘虛內陷所謂
引賊入寇也病在陰者勿攻其陽病在裏者勿攻其
表若此者病必因誤而甚所謂自撤藩蔽也大都治
宜用攻必其邪之甚者也其若實邪果甚自與攻藥
相宜不必雜之補劑蓋實不嫌攻若但畧加甘滯便
相牽制虛不嫌補若但畧加消耗便覺相妨所以寒
實者最不喜清熱實者最不喜煖然實而誤補不過

增病病增者可解虛而誤攻必先脫元元脫者無治
矣是皆攻法之要也其或虛中有實實中有虛此又
當酌其權宜不在急宜攻急宜補者之例雖然凡用
攻之法所以除兇剪暴也亦猶亂世之兵必不可無
然惟必不得已乃可用之若或有疑寧加詳慎蓋攻
雖去邪無弗傷氣受益者四受損者六故攻之一法
實自古仁人所深忌者正恐其成之難敗之易耳倘
任意不思此其人可知矣

四散畧

一用散者散表證也觀仲景太陽證用麻黃湯陽明證用升麻葛根湯少陽證用小柴胡湯此散表之準繩也後世宗之而復不能用之在不得其意耳蓋麻黃之氣峻利而勇凡太陽經陰邪在表者寒毒既深非此不達故制用此方非謂太陽經藥必須麻黃也設以麻黃治陽明少陽之證亦寒無不散第恐性力太過必反傷其氣豈謂某經某藥必不可移易亦不過

分其輕重耳故如陽明之升麻乾葛未有不走太陽
少陽者少陽之柴胡亦未有不入太陽陽明者但用
散之法當知性力緩急及氣味寒溫之辨用得其宜
諸經無不妙也如麻黃桂枝峻散者也防風荊芥紫
蘊平散者也細辛白芷生薑溫散者也柴胡乾葛薄
荷涼散者也羌活蒼朮能走經去濕而散者也升麻
川芎能舉陷上行而散者也芎邪淺者忌峻利之屬
氣弱者忌雄悍之屬熱多者忌溫燥之屬寒多者忌

清涼之屬凡熱渴煩躁者喜乾葛而嘔惡者忌之寒
熱往來者宜柴胡而泄瀉者忌之寒邪在上者宜升
麻川芎而內熱炎升者忌之此性用之宜忌所當辨
也至於相配之法則尤當知要凡以平兼清自成涼
散以平兼煖亦可溫經宜大溫者以熱濟熱宜大涼
者以寒濟寒此其運用之權則毫釐進退自有伸縮
之妙又何必膠柱刻舟以限無窮之病變哉此無他
在不知仲景之意耳

五寒畧

一寒方之制為清火也為除熱也夫火有陰陽熱分上下據古方書咸謂黃連清心黃芩清肺石斛芍藥清脾龍胆清肝黃栢清腎今之用者多守此法是亦膠柱法也大凡寒涼之物皆能瀉火豈有涼此而不涼彼者但當分其輕清重濁性力微甚用得其宜則善矣夫輕清者宜以清上如黃芩石斛連翹天花之屬是也重濁者宜於清下如梔子黃栢龍膽滑石之屬

也性力之厚者能清大熱如石膏黃連蘆薈苦參山
豆根之屬也性力之緩者能清微熱如地骨皮玄參
貝母石斛童便之屬也以攻而用者去實鬱之熱如
大黃芒硝之屬也以利而用者去癃閉之熱如木通
茵陳猪苓澤瀉之屬也以補而用者去陰虛枯燥之
熱如生地二冬芍藥梨漿細甘草之屬也方書之分
經用藥者意正在此但不能明言其意耳然火之甚
者在上亦宜重濁火之微者在下亦可輕清夫宜涼

之熱皆實熱也實熱在下自宜清利實熱在上不可
升提蓋火本屬陽宜從陰治從陰者宜降升則反從
其陽矣經曰高者抑之義可知也外如東垣有升陽
散火之法此以表邪生熱者設不得與伏火內炎者
並論

六熱畧

一熱方之制為除寒也夫寒之為病有寒邪犯於肌表
者有生冷傷於脾胃者有陰寒中於臟腑者此皆外

來之寒去所從來則其治也是皆人所易知者至於
本來之寒生於無形無響之間初無所感莫測其因
人之病此者最多人之知此者最少果何謂哉觀丹
溪曰氣有餘便是火余續之曰氣不足便是寒夫今
人之氣有餘者能十中之幾其有或因稟受或因喪
敗以致陽氣不足者多見寒從中生而陽衰之病無
所不致第其由來者漸形見者微當其未覺也孰為
之意及其既甚也始知治難矧庸醫多有不識每以

假熱為真火因復斃於無形無響者又不知其幾許也故惟高明見道之士常以陽衰根本為憂此熱方之不可不預也凡用熱之法如乾薑能溫中亦能散表嘔惡無汗者宜之肉桂能行血善達四肢血滯多痛者宜之吳茱萸善煖下焦腹痛泄瀉者極妙肉豆蔻可溫脾腎飧泄滑利者最奇胡椒溫胃和中其類近於萆撥丁香止嘔行氣其煖過於豆仁補骨脂性降而善閉故能納氣定喘止帶濁泄瀉製附子性行

如酒故無處不到能救急回陽至若半夏南星細辛
烏藥良薑香附木香茴香仙茅巴戟之屬皆性溫之
當辨者然用熱之法尚有其要以散兼溫者散寒邪
也以行兼溫者行寒滯也以補兼溫者補虛寒也第
多汗者忌薑薑能散也失血者忌桂桂動血也氣短
氣怯者忌故紙故紙降氣也大凡氣香者皆不利於
氣虛證味辛者多不利於見血證所當慎也是用熱
之概也至於附子之辨凡今之用者必待勢不可為

不得已然後用之不知回陽之功當用於陽氣將去之際便當漸用以望挽回若用於既去之後死灰不可復然矣尚何益於事哉但附子性悍獨任為難必得大甘之品如人參熟地炙甘草之類皆足以制其剛而濟其勇以補倍之無往不利矣此壺天中大將軍也可置之無用之地乎但知之真而用之善斯足稱將將之手矣

七固畧

一固方之制固其泄也如久嗽為喘而氣泄於上者宜固其肺久遺成淋而精脫於下者宜固其腎小水不禁者宜固其膀胱大便不禁者宜固其腸臟汗泄不止者宜固其皮毛血泄不止者宜固其營衛凡因寒而泄者當固之以熱因熱而泄者當固之以寒總之在上者在表者皆宜固氣氣主在肺也在下者在裏者皆宜固精精主在腎也然虛者可固實者不可固久者可固暴者不可固當固不固則滄海亦將竭不

當固而固則閉門延寇也二者俱當詳酌之

八因畧

一因方之制因其可因者也凡病有相同者皆可按證而用之是謂因方如癰毒之起腫可敷也蛇蟲之患毒可解也湯火傷其肌膚熱可散也跌打傷其筋骨斷可續也凡此之類皆因證而可藥者也然因中有不可因者又在乎證同而因不同耳蓋人之虛實寒熱各有不齊表裏陰陽治當分類故有宜於此而不

宜於彼者有同於表而不同於裏者所以病雖相類而但涉內傷者便當於血氣中酌其可否之因不可謂因方之類盡可因之而用也因之為用有因標者有因本者勿因此因字而誤認因方之義

景岳全書卷五十

欽定四庫全書

景岳全書卷五十一

明 張介賓 撰

補陣

大補元煎一 治男婦氣血大壞精神失守危劇等證此
回天贊化救本培元第一要方○本方與後右歸飲
出入互思

人參補氣補陽以此為主少則山藥炒二錢多則用一二兩 熟地補精

補陰以此為主少則用二錢多則用二三兩杜仲二錢當歸二三錢若泄瀉者去之

山茱萸

一錢如畏酸吞酸者去之

枸杞

二三錢

炙甘草

一二錢

水二鍾煎七分食遠溫服○如元陽不足多寒者於本方加附子肉桂炮薑之類隨宜用之○如氣分偏虛者加黃芪白朮如胃口多滯者不必用○如血滯者加川芎去山茱萸○如滑泄者加五味故紙之屬左歸飲_二此壯水之劑也凡命門之陰衰陽勝者宜此方加減主之○此一陰煎四陰煎之主方也

熟地

二三錢或加至二三兩

山藥

二錢 枸杞

二錢 炙甘草

一錢 茯苓

一錢半

山茱萸

一二錢畏酸者少用之

水二鍾煎七分食遠服○如肺熱而煩者加麥冬二錢血滯者加丹皮二錢○心熱而躁者加玄參二錢○脾熱易飢者加芍藥二錢○腎熱骨蒸多汗者加地骨皮二錢○血熱妄動者加生地二三錢○陰虛不寧者加女貞子二錢上實下虛者加牛膝二錢以導之○血虛而燥滯者加當歸二錢

右歸飲^三 此益火之劑也凡命門之陽衰陰勝者宜此方加減主之○此方與大補元煎出入互用如治陰盛格陽真寒假熱等證宜加澤瀉二錢煎成用涼水浸冷服之尤妙

熟地

用如前

山藥

炒二錢

山茱萸

一錢

枸杞

二錢

甘草

炙一錢

杜仲

薑製二錢

肉桂

一錢

制附子

一二錢

水二鍾煎七分食遠溫服○如氣虛血脫或厥或昏或汗或運或虛狂或短氣者必大加人參白朮隨宜

用之○如火衰不能生土為嘔噦吞酸者加炮乾薑
二三錢○如陽衰中寒泄瀉腹痛加人參肉豆蔻隨
宜用之○如小腹多痛者加吳茱萸五七分○如淋
帶不止加破故紙一錢○如血少血滯腰膝軟痛者
加當歸二三錢

左歸丸^四 治真陰腎水不足不能滋養營衛漸至衰弱
或虛熱往來自汗盜汗或神不守舍血不歸原或虛
損傷陰或遺淋不禁或氣虛昏運或眼花耳聾或口

燥舌乾或腰痠腿軟凡精髓內虧津液枯涸等證俱速宜壯水之主以培左腎之元陰而精血自充矣宜此方主之

大懷熟地

八兩藥炒四兩

枸杞

四兩

山茱萸肉

四兩

川牛膝

酒洗蒸熟三兩
精滑者不用

兔絲子

制四兩

鹿膠

敲碎炒珠四兩

龜膠

切碎

炒珠四兩無
火者不必用

右先將熟地蒸爛杵膏加煉蜜丸桐子大每食前用滾湯或淡鹽湯送下百餘丸

如真陰失守虛火炎上者宜用純陰至靜之劑於本
方去枸杞鹿膠加女貞子三兩麥冬三兩○如火爍
肺金乾枯多嗽者加百合三兩○如夜熱骨蒸加地
骨皮三兩○如小水不利不清加茯苓三兩○如大
便燥結去兔絲加肉蓯蓉三兩 如氣虛者加人參
三四兩○如血虛微滯加當歸四兩○如腰膝痠痛
加杜仲三兩鹽水炒用○如藏平無火而腎氣不充
者加破故紙三兩去心蓮肉胡桃肉各四兩龜膠不

必用○右凡五液皆主於腎故凡屬陰分之藥無不皆能走腎有謂必須導引者皆見之不明耳

右歸丸

五

命門火衰不能生土而為脾胃虛寒飲食少進或嘔惡膨脹或番胃噎膈或怯寒畏冷或臍腹多痛或大便不實瀉痢頻作或小水自遺虛淋寒疝或寒侵谿谷而肢節痺痛或寒在下焦而水邪浮腫總之真陽不足者必神疲氣怯或心跳不寧或四體不收或眼

見邪祟或陽衰無子等證俱速宜益火之原以培右
腎之元陽而神氣自強矣此方主之

大懷熟

八兩

山藥

炒四兩

山茱萸

微炒三兩

枸杞

微炒四兩

鹿角

膠

炒珠四兩

兔絲子

製四兩

杜仲

薑湯炒四兩

當歸

三兩

便肉

瀉勿用

桂

二兩漸可

製附子

自二兩漸可

加至五兩

漸可

加至五兩

漸可

加至五兩

漸可

加至五兩

漸可

右丸法如前或丸如彈子大每嚼服二三丸以滾白
湯送下其效尤速

如陽衰氣虛必加人參以為之主或二三兩或五六

兩隨人虛實以為增減蓋人參之功隨陽藥則入陽分隨陰藥則入陰分欲補命門之陽非加人參不能捷效○如陽虛精滑帶濁便溏加補骨脂酒炒三兩○如飧泄腎泄不止加北五味子三兩肉豆蔻二兩麪炒去油用○如飲食減少或不易化或嘔惡吞酸皆脾胃虛寒之證加乾薑三四兩炒黃用○如腹痛不止加吳茱萸二兩湯泡半日炒用○如腰膝酸痛加胡桃肉連皮四兩○如陰虛陽痿加巴戟肉四兩

肉蓯蓉三兩或加黃狗外腎一二付以酒煮爛搗入之

五福飲^六凡五臟氣血虧損者此能兼治之足稱王道之最

人參

隨宜心

熟地

隨宜腎

當歸

二三錢肝

白朮

炒一錢半肺

炙甘草

草

一錢脾

水二鍾煎七分食遠溫服○或加生薑三五片○凡治氣血俱虛等證以此為主或宜溫者加薑附宜散

者加升麻柴葛左右逢源無不可也

七福飲

七

治氣血俱虛而心脾為甚者

即前方加棗仁二錢 遠志三五分製用

一陰煎

八

此治水虧火勝之劑故曰一陰凡腎水真陰

虛損而脉證多陽虛火發熱及陰虛動血等證或瘧疾傷寒屢散之後取汗既多脉虛氣弱而煩渴不止潮熱不退者此以汗多傷陰水虧而然也皆宜用此加減主之

生地

錢二

熟地

錢三五

芍藥

錢二

麥冬

錢二

甘草

錢一

牛膝

錢一

半
丹參

錢二

水二鍾煎七分食遠溫服○如火盛躁煩者入真龜膠二三錢化服○如氣虛者間用人參一二錢○如心虛不眠多汗者加棗仁當歸各一二錢○如汗多煩躁者加五味子十粒○或加山藥山茱萸○如見微火者加女貞子一二錢○如虛火上浮或吐血或衄血不止者加澤瀉一二錢茜根二錢或加川續斷

一二錢以澁之亦妙

加減一陰煎

九

治證如前而火之甚者宜用此方

生地

芍藥

麥冬

各二錢

熟地

三五錢

炙甘草

五七分

知母

地骨皮

各一錢

水二鍾煎服○如躁煩熱甚便結者加石膏二三錢

○如小水熱澁者加梔子一二錢○如火浮於上者

加澤瀉一二錢或黃芩一錢○如血燥血少者加當

歸一二錢

二陰煎^十 此治心經有熱水不制火之病故曰二陰凡
驚狂失志多言多笑或瘍疹煩熱失血等證宜此主
之

生地

錢二三

麥冬

錢二三

棗仁

錢二

生甘草

錢一

玄參

錢一

黃連

或一錢二錢

茯苓

一錢半

木通

一錢半

水二鍾加燈草二十根或竹葉亦可煎七分食遠服

○如痰勝熱甚者加九製膽星一錢或天花粉一錢

五分

三陰煎十此治肝脾虛損精血不足及營虛失血等病
故曰三陰凡中風血不養筋及瘧疾汗多邪散而寒
熱猶不能止是皆少陽厥陰陰虛少血之病微有火
者宜一陰煎無火者宜此主之

當歸

二三錢

熟地

三五錢

炙甘草

一錢

芍藥

酒炒二錢

棗仁

二錢

人參

隨宜

水二鍾煎七分食遠服○如嘔惡者加生薑三五片
○汗多煩躁者加五味子十四粒○汗多氣虛者加

黃芪一二錢○小腹隱痛加枸杞二三錢○如有脹
悶加陳皮一錢○如腰膝筋骨無力加杜仲牛膝
四陰煎^{二十}此保肺清金之劑故曰四陰治陰虛勞損相

火熾盛津枯煩渴欬嗽吐血多熱等證

生地

錢二

麥冬

錢二

白芍藥

錢二

百合

錢二

沙參

錢二

生甘

草

錢一

茯苓

半錢

水二鍾煎七分食遠服○如夜熱盜汗加地骨皮一
二錢○如痰多氣盛加貝母二三錢阿膠一二錢天

花粉亦可○如金水不能相滋而乾燥喘嗽者加熟地三五錢○如多汗不眠神魂不寧加棗仁二錢○如多汗兼渴加北五味十四粒○如熱甚者加黃柏一二錢鹽水炒用或玄參亦可但分上下用之○如血燥經遲枯澁不至者加牛膝二錢○如血熱吐血加茜根二錢○如多火便燥或肺乾欬咯者加天門冬二錢或加童便亦可○如火載血上者去甘草加炒梔子

五陰煎^十凡真陰虧損脾虛失血等證或見溏泄未甚

者所重在脾故曰五陰忌用潤滑宜此主之

熟地

五錢或一兩

山藥

炒二錢

扁豆

炒二錢

炙甘草

一二錢

茯苓

苓

一錢半

芍藥

炒黃二錢

五味子

二十粒

人參

隨宜用

白朮

炒一錢

二錢

水二鍾加蓮肉去心二十粒煎服

大營煎

十四

治真陰精血虧損及婦人經遲血少腰膝筋

骨疼痛或氣血虛寒心腹疼痛等證

當歸

二三錢
或五錢

熟地

三五錢

枸杞

二錢

炙甘草

一二錢

杜仲

二錢
牛膝

一錢

肉桂

一二錢

水二鍾煎七分食遠溫服○如寒滯在經氣血不能

流通筋骨疼痛之甚者必加製附子一二錢方效○

如帶濁腹痛者加故紙一錢炒用○如氣虛者加人

參白朮○中氣虛寒嘔惡者加炒焦乾薑一二錢

小營煎

十五

治血少陰虛此性味平和之方也

當歸

二錢
熟地

二三錢

芍藥

酒炒
二錢

山藥

炒
二錢

枸杞

二錢
炙

甘草
一錢

水二鍾煎七分食遠溫服○如營虛於上而為驚恐怔忡不眠多汗者加棗仁茯神各二錢○如營虛兼寒者去芍藥加生薑○如氣滯有痛者加香附一二錢引而行之

補陰益氣煎十六此補中益氣湯之變方也治勞倦傷陰精不化氣或陰虛內乏以致外感不解寒熱痰瘧陰虛便結不通等證凡屬陰氣不足而虛邪外侵者用

此升散無不神效

人參

一二錢

當歸

二三錢

山藥

酒炒二三錢

熟地

三五錢或一二兩

陳皮

一錢

炙甘草

一錢

升麻

三五分火浮於上者去此不必用

柴胡

一二錢

錢如無外邪者不必用

水二鍾加生薑三五七片煎八分食遠溫服

舉元煎

七十

治氣虛下陷血崩血脫亡陽垂危等證有不

宜於歸熟等劑而但宜補氣者以此主之

人參

黃芪

炙各三錢

甘草

一二錢

升麻

五七分炒用

白朮

炒一
二錢

水一鍾半煎七八分溫服○如兼陽氣虛寒者桂附
乾薑隨宜佐用○如兼滑脫者加烏梅二個或文蛤
七八分

兩儀膏^{八十}治精氣大虧諸藥不應或以克伐太過耗損
真陰凡虛在陽分而氣不化精者宜參朮膏若虛在
陰分而精不化氣者莫妙於此其有未至大病而素
覺陰虛者用以調元尤稱神妙

人參

半斤或四兩

大熟地

一斤

右二味用好甜水或長流水十五碗浸一宿以桑柴文武火煎取濃汁若味有未盡再用水數碗煎取汁并熬稍濃乃入磁罐重湯熬成膏入真白蜜四兩或半斤收之每以白湯點服○若勞損欬嗽多痰加貝母四兩亦可

貞元飲

九

治氣短似喘呼吸促急提不能升嚥不能降

氣道噎塞勢劇垂危者常人但知為氣急其病在上

而不知元海無根虧損肝腎此子午不交氣脫證也
尤為婦人血海常虧者最多此證宜急用此飲以濟
之緩之敢云神劑凡診此證脉必微細無神若微而
兼緊尤為可畏倘庸衆不知妄云痰逆氣滯用牛黃
蘄合及青陳枳殼破氣等劑則速其危矣

熟地黄

七八錢甚
者一二兩

炙甘草

一二
三錢

當歸

二三
錢

水二鍾煎八分溫服○如兼嘔惡或惡寒者加煨薑
三五片○如氣虛脉微不至極者急加人參隨宜○如

肝腎陰虛手足厥冷加肉桂一錢

當歸地黃飲

二治腎虛腰膝疼痛等證

當歸

二錢

熟地

三錢

山藥

二錢

杜仲

二錢

牛膝

一錢半

山

茱萸

一錢

炙甘草

八分

水二鍾煎八分食遠服○如下部虛寒加肉桂一二

錢甚者仍加附子○如多帶濁去牛膝加金櫻子二

錢或加故紙一錢○如氣虛者加人參一二錢枸杞

二三錢

濟川煎二凡病涉虛損而大便閉結不通則硝黃攻擊

等劑必不可用若勢有不得不通者宜此主之此用
通於補之劑也最妙最妙

當歸

錢三五

牛膝

錢二

肉苁蓉

酒洗去鹹
二三錢

澤瀉

一錢半

升

麻

五七分
或一錢

枳殼

一錢虛甚
者不必用

水一鍾半煎七八分食前服○如氣虛者但加人參
無碍○如有火加黃芩○如腎虛加熟地

地黃醴

二治男婦精血不足營衛不充等患宜製此常

用

大懷熟

取味極甘者烘晒乾以去水氣八兩

沉香

一錢或白檀三分亦可

枸杞

用極肥者亦烘晒以去潤氣四兩

右約每藥一斤可用高燒酒十斤浸之不必煮但浸十日之外即可用矣凡服此者不得過飲服完又加酒六七斤再浸半月仍可用

歸腎丸

三

治腎水真陰不足精衰血少腰痠脚軟形容

憔悴遺泄陽衰等證○此左歸右歸二丸之次者也

熟地

八兩

山藥

四兩

山茱萸

肉四兩

茯苓

四兩

當歸

三兩

枸杞

四兩 杜仲

鹽水炒

兔絲子

制四兩

煉蜜同熟地膏為丸

桐子大

每服百餘丸

饑時或滾

水或淡鹽湯送下

贊化血餘丹

此藥大補氣血故能烏鬚髮壯形體其

於培元贊育之功有不可盡述者

血餘

八兩

熟地

蒸搗

枸杞

當歸

鹿角膠

炒

兔絲

子制

杜仲

鹽水炒

巴戟

肉酒浸

小茴香

畧炒

白茯苓

乳

景岳全書

十五

蒸熟肉從蓉

酒洗去鱗甲

胡桃肉

各四兩

何首烏

小黑豆汁拌蒸七次

如無黑豆或人乳牛乳拌蒸俱妙四兩

人參

隨使用無亦可

右煉蜜九服每食前用滾白湯送下二三錢許○精

滑者加白朮山藥各三兩○便溏者去從蓉加補骨

脂酒炒四兩○陽虛者加附子肉桂

養元粉

二五

大能實脾養胃氣

糯米

一升水浸一宿瀝乾浸火炒熟

山藥

炒

芡實

炒

蓮肉

各三兩

川

椒

去目及閉口者炒出汗取紅末二三錢

右為末每日饑時以滾水一碗入白糖三匙化開入藥末一二兩調服之或加四君山查肉各一二兩更

妙

玄武豆

二六

羊腰子

五十個

枸杞

二斤

補骨脂

一斤

大茴香

六兩

小茴香

六兩肉蓯蓉

十二兩大便滑者去之

青鹽

八兩如無蓯蓉此宜十二兩

大黑

豆

一斗圓淨者淘洗淨

右用甜水二斗以砂鍋煮前藥七味至半乾去藥渣

入黑豆勻火煮乾為度如有餘汁俱宜拌滲於內取出用新布攤晾曬乾磁瓶收貯日服之其效無窮如無砂鍋即鐵鍋亦可若陽虛者加製附子一二兩更妙

蟠桃果

七

治遺精虛弱補脾滋腎最佳

芡實

一斤炒

蓮肉

一斤去心

膠裏肉

一斤

熟地

一斤

胡桃肉

去皮

二斤

右以猪腰六個摻大茴香蒸極熟去筋膜同前藥末

搗成餅每日服二個空心食前用滾白湯或好酒一

二鍾送下此方凡人參製附子俱可隨意加用

王母桃

二培補脾腎功力最勝

白朮

用冬朮腿片味甘者佳苦者勿用以米泔浸一宿切片炒

大懷熟地

二蒸上味等

分

何首烏

九蒸

巴戟

甘草湯浸剝炒

枸杞子

上三味減半

右為末煉蜜搗丸龍眼大每用三四丸飢時嚼服滾

湯送下○或加人參其功尤大

休癰飲

二

此止癰最妙之劑也若汗散既多元氣不復

或以衰老或以弱質而瘡有不能止者俱宜用此此
化暴善後之第一方也其有他證加減俱宜如法

人參

白朮

炒

當歸

各三錢

何首烏

制五錢

炙甘草

八分

水一鍾半煎七分食遠服渣再煎或用陰陽水各一
鍾煎一鍾粗亦如之俱露一宿次早溫服一鍾飯後
食遠再服一鍾○如陽虛多寒宜溫中散寒者加乾
薑肉桂之類甚者或加製附子○如陰虛多熱煩渴
喜冷宜滋陰清火者加麥冬生地芍藥甚者加知母

或加黃芩○如腎陰不足水不制火虛煩虛餒腰痠
脚軟或脾虛痞悶者加熟地枸杞山藥杜仲之類以
滋脾腎之真陰○如邪有未淨而留連難愈者於此
方加柴胡麻黃細辛紫蘊之屬自無不可○如氣血
多滯者或用酒水各一鍾煎服或服藥後飲酒數杯
亦可

和陣

金水六君煎一治肺腎虛寒水泛為痰或年邁陰虛血

氣不足外受風寒欬嗽嘔惡多痰喘急等證神效

當歸

錢二 熟地 錢三五

陳皮

錢一 半

半夏

錢二

茯苓

錢二

炙甘

草

錢一

水二鍾生薑三五七片煎七八分食遠溫服○如大便不實而多濕者去當歸加山藥○如痰盛氣滯胸脇不快者加白芥子七八分○如陰寒盛而嗽不愈者加細辛五七分○如兼表邪寒熱者加柴胡一二錢

六安煎^二 治風寒欬嗽及非風初感痰滯氣逆等證

陳皮

^{半一錢}

半夏

^{錢二三}

茯苓

^{錢二}

甘草

^{錢一}

杏仁

^{一錢去皮尖研}

白芥子

^{五七分老年氣弱者不用}

水一鍾半加生薑三五七片煎七分食遠服○凡外

感風邪欬嗽而寒氣盛者多不易散宜加北細辛七

八分或一錢○若冬月嚴寒邪甚者加麻黃桂枝亦

可○若風勝而邪不甚者加防風一錢或蘓葉亦可

○若頭痛鼻塞者加川芎白芷蔓荊子皆可○若兼

寒熱者加柴胡蘗葉○若風邪咳嗽不止而兼肺胃之火者加黃芩一二錢甚者再加知母石膏所用生薑止宜一片○凡寒邪咳嗽痰不利者加當歸二三錢老年者尤宜若氣血不足者當以金水六君煎與此參用○凡非風初感痰勝而氣不順者加藿香一錢五分兼脹滿者加厚朴一錢暫開痰氣然後察其寒熱虛實而調補之若氣虛猝倒及氣平無痰者皆不可用此

和胃二陳煎^三

治胃寒生痰惡心嘔吐胸膈滿悶噯氣

乾薑

^{炒一錢二錢}

砂仁

^{四五分}

陳皮

半夏

茯苓

^{各一錢半}甘

草

^{炙七分}

水一鍾半煎七分不拘時溫服

苓朮二陳煎^四

治痰飲水氣停蓄心下嘔吐吞酸等證

猪苓

^{一錢半}

白朮

^{一二錢半}

澤瀉

^{一錢半}

陳皮

^{一錢半}

半夏

^{二三錢}

茯苓

^{一錢半}

炙甘草

^{八分}

乾薑

^{炒黃二錢}

水一鍾半煎服○如肝腎兼寒者加肉桂一二錢

和胃飲

五

治寒濕傷脾霍亂吐瀉及痰飲水氣胃脘不

清嘔惡脹滿腹痛等證○此即平胃散之變方也凡嘔吐等證多有胃氣虛者一聞蒼朮之氣亦能動嘔故以乾薑代之

陳皮

厚朴

各一錢半

乾薑

炮一錢

炙甘草

一錢

水一鍾半煎七分溫服○此方凡藿香木香丁香茯苓苓半夏扁豆砂仁澤瀉之類皆可隨宜增用之若胸腹有滯而兼時氣寒熱者加柴胡

排氣飲^六 治氣逆食滯脹痛等證

陳皮

一錢五分

木香

七分或一錢

藿香

一錢五分

香附

二錢

枳殼

一錢

五分澤瀉

二錢烏藥

二錢厚朴

一錢

水一鍾半煎七分熱服○如食滯者加山查麥芽各

二錢○如寒滯者加焦乾薑吳茱萸肉桂之屬○如

氣逆之甚者加廣木香沉香青皮檳榔之屬○如嘔

而兼痛者加半夏丁香廣陳皮如痛在小腹者加小

茴香○如兼疝者加荔枝核煨焦研為末二三錢

大和中飲

七

治飲食留滯積聚等證

陳皮

錢一二

枳實

錢一砂仁五分

山查

錢二

麥芽

錢二

厚朴

錢一

半澤瀉

半一錢

水一鍾半煎七八分食遠溫服○脹甚者加白芥子

胃寒無火或惡心者加炮乾薑一二錢疼痛者加木

香烏藥香附之類多痰者加半夏

小和中飲

八

治胸膈悶脹或婦人胎氣滯滿等證

陳皮

錢五分

山查

錢二

茯苓

錢半

厚朴

錢五分

甘草

五分

豆炒二錢

水一鍾半加生薑三五片煎服○如嘔者加半夏一
二錢○如脹滿氣不順者加砂仁七八分○如火鬱
於上者加焦梔子一二錢○如婦人氣逆血滯者加
紫蘗梗香附之屬○如寒滯不行者加乾薑肉桂之
屬

大分清飲九方在寒陣五

小分清飲十治小水不利濕滯腫脹不能受補等證此

方主之

茯苓

錢二三

澤瀉

錢二三

薏仁

錢二

猪苓

錢二三

枳殼

錢一厚

朴

錢一

水一鍾半煎七八分食前服○如陰虛水不能達者
加生地牛膝各二錢○如黃疸者加茵陳二錢○如
無內熱而寒滯不行者加肉桂一錢

解肝煎

+

治暴怒傷肝氣逆脹滿陰滯等證如兼肝火

者宜用化肝煎

陳皮 半夏 厚朴 茯苓 芍藥 各一錢半

錢砂仁 七分

水一鍾半加生薑三五片煎服○如脇肋脹痛加白

芥子一錢○如胸膈氣滯加枳殼香附藿香之屬

二木煎^{二十}治肝強脾弱氣泄濕泄等證

白朮^{炒二錢} 蒼朮^{米泔浸炒一錢} 芍藥^{炒二錢} 陳皮^{炒一錢}

炙甘草^{一分} 茯苓^{一錢} 厚朴^{薑湯炒一錢} 木香^{六七分} 乾

薑^{炒黃一錢} 澤瀉^{炒一錢半}

水一鍾半煎七分食遠服

廓清飲

三治

三焦壅滯胸膈脹滿氣道不清小水不利

年力未衰通身腫脹或肚腹單脹氣實非水等證

枳殼

二錢

厚朴

一錢半

大腹皮

一錢

白芥子

五七分或

一二錢

蘿蔔子

生搗一錢如中不甚脹能食者不必用此

茯苓

連皮用

二三錢

澤瀉

二錢

陳皮

一錢

水一鍾半煎七分食遠溫服○如內熱多火小水熱數者加梔子木通各一二錢○如身黃小水不利者

加茵陳二錢○如小腹脹滿大便堅實不通者加生
大黃三五錢○如肝滯脇痛者加青皮○如氣滯胸
腹疼痛者加烏藥香附○如食滯者加山查麥芽

掃蟲煎

十

治諸蟲上攻胸腹作痛

青皮

一錢

小茴香

炒一錢

檳榔

烏藥

各一錢

細榧肉

三錢

敵

吳茱萸

一錢

烏梅

二個

甘草

八分

硃砂

雄黃

各五分

俱為極

細末

右將前八味用水一鍾半煎八分去粗隨入後二味

再煎三四沸攪勻徐徐服之○如惡心作吐加炒乾薑一二錢○或先啖牛肉脯少許俟一茶頃頓服之更妙

十香九

五十

治氣滯寒滯諸痛

木香 沉香 澤瀉 烏藥 陳皮 丁香 小

茴香

香附

酒炒

荔枝核

煨焦各等分

皂角

微火燒烟盡

為末酒糊丸彈子大者磨化服九桐子大者湯引下
○癰疽之屬溫酒下

芍藥枳朮丸

六

治食積痞滿及小兒腹大脹滿時常疼

○痛脾胃不和等證 此方較之枳朮丸其效如神

白朮

二兩
麩炒

赤芍藥

二兩
酒炒

枳實

一兩
麩炒

陳皮

一兩

荷葉湯煮黃耆老米粥為丸桐子大米飲或滾白湯任

下百餘丸○如臟寒加乾薑炒黃耆五錢或一二兩

○如脾胃氣虛加人參一二兩

蒼朮丸

七

治寒濕在脾泄瀉久不能愈者

雲苓

四兩

白芍藥

炒黃
四兩

炙甘草

一兩

川椒

去閉口者
炒出汗

小

茴香

炒各一兩

厚朴

三兩薑汁炒

真茅山蒼朮

八兩米泔浸一宿切炒如

無即以好白米代之

破故紙

酒浸二日晒乾炒香四兩

右為末糯米糊為丸桐子大每食遠清湯送下七八

十九

貝母丸

十

消痰熱潤肺止咳或肺癰肺痿乃治標之妙

劑貝母一兩為末用沙糖或蜜和丸龍眼大或嚙化

或嚼服之○若欲劫止久嗽每貝母一兩宜加百藥

煎蓬砂天竺黃各一錢佐之尤妙如無百藥煎即醋

炒文蛤一錢亦可或栗殼亦可酌用○若治肺癰宜加白礬一錢同貝母丸服如前最妙

括痰丸

九十

治一切停痰積飲吞酸嘔酸胸脇脹悶疼痛

等證

半夏

製二兩

白芥子

二兩乾薑

炒一兩黃

猪苓

二兩

炙甘草

五錢

陳皮

四兩切碎用鹽二錢入水中拌浸一宿晒乾

右為末湯浸蒸餅為丸綠豆大每服一錢許滾白湯送下○如胸脇疼痛者加白烏藥二兩

神香散^{十二}治胸脇胃脘逆氣難解疼痛嘔噦脹滿痰飲
膈噎諸藥不效者惟此最妙

丁香

白荳蔻

或砂仁亦可

二味等分為末清湯調下五七分甚者一錢日數服
不拘○若寒氣作痛者薑湯送下

攻陣

吐法一此方可代瓜蒂三聖散之屬凡邪實上焦或痰
或食或氣逆不通等證皆可以此吐之

用蘿蔔子搗碎以溫湯和攪取淡湯徐徐飲之少頃即當吐出即有吐不盡者亦必從下行矣○又法以蘿蔔子為末溫水調服一匙良久吐涎沫愈一法用鹽少許於熱鍋中炒紅色乃入以水煮至將滾未滾之際攪勻試其滋味稍淡乃可飲之每用半碗漸次增飲自然發吐以去病為度而止○一法凡諸藥皆可取吐但隨證作湯劑探而吐之無不可也赤金豆_二亦名八仙丹○治諸積不行凡血凝氣滯痰

痛腫脹蟲積結聚癥堅宜此主之此丸去病捷速較之硝黃稜莪之類過傷臟氣者大為勝之

巴霜

去皮膜畧去油一錢半

生附子

切畧炒燥二錢

皂角

炒微焦二錢輕

粉一

丁香

木香

天竺黃

各三錢

硃砂

二錢為衣

右為末醋浸蒸餅為丸蘿蔔子大硃砂為衣欲漸去者每服五七丸欲驟行者每服一二十丸用滾水或煎藥或薑醋茶蜜茴香史君煎湯為引送下若利多不止可飲冷水一二口即止蓋此藥得熱則行得冷

則止也○如治氣濕食滯鼓脹先用紅棗煮熟取肉
一錢許隨用七八丸甚者一二十九丸同棗肉研爛以
熱燒酒加白糖少許送下○如治蟲痛亦用棗肉加
服止用清湯送下

太平丸^三 治胸腹疼痛脹滿及食積氣積血積氣疝血
疝邪實秘滯痛劇等證○此方借些微巴豆以行羣
藥之力去滯最妙如欲其峻須用巴豆二錢

陳皮 厚朴 木香 烏藥 白芥子 草豆蔻

三棱

蓬朮

煨

乾薑

牙皂

炒斷

澤瀉

各三錢

以上十一味俱為細末

巴豆

用滾湯泡去皮心膜稱足一錢用水一碗

微火煮至半碗將巴豆撈起用乳鉢研極細仍

將前湯攪入研勻然後量藥多寡入蒸餅浸爛

搗丸前藥如綠豆大每用三分或五分甚者一

錢

右隨證用湯引送下○凡傷食停滯即以本物湯下

○婦人血氣痛紅花湯或當歸湯下○氣痛陳皮湯
○疝氣茴香湯○寒氣生薑湯○欲瀉者用熟薑湯
送下一錢○未利再服○利多不止用冷水一二口
即止

敦阜九^四治堅頑食積停滯腸胃痛劇不行等證

木香 山查 麥芽 皂角 丁香 烏藥

青皮 陳皮 澤瀉^{各五錢} 巴霜^{一錢}

右共為末用生蒜頭一兩研爛加熟水取汁浸蒸餅

搗丸綠豆大每服二三十丸隨便用湯引送下如未愈徐徐漸加用之

獵蟲丸

五

治諸蟲積脹痛黃瘦等病

蕪荑

雷丸

桃仁

乾漆

炒烟盡

雄黃

微炒

錫灰

皂角

燒烟盡

栝榔

史君子

各等分

輕粉

減半

細榧肉

加倍

湯浸蒸餅為丸綠豆大每服五七分滾白湯下陸續服之如蟲積堅固者加巴豆霜與輕粉同

百順丸

六

治一切陽邪積滯凡氣積血積蟲積食積傷

寒實熱秘結等證但各為湯引隨宜送下無往不利

川大黃

錦紋者
一斤

牙皂角

炒微黃一
兩六錢

右為末用湯浸蒸餅搗丸綠豆大每用五分或一錢
或二三錢酌宜用引送下或用蜜為丸亦可

散陣

一柴胡飲一為水數從寒散也○凡感四時不正之
氣或為發熱或為寒熱或因勞因怒或婦人熱入血
室或產後經後因冒風寒以致寒熱如瘧等証但外

有邪而內兼火者須從涼散宜此主之

柴胡

二錢

黃芩

一錢半

芍藥

二錢

生地

一錢半

陳皮

一錢半

甘草

八分

水一鍾半煎七八分溫服○如內熱甚者加連翹一
二錢隨宜○如外邪甚者加防風一錢佐之○如邪
結在胸而痞滿者去生地加枳實一二錢○如熱在
陽明而兼渴者加天花粉或葛根一二錢熱甚者加
知母石膏亦可

二柴胡飲 二為火數從溫散也○凡遇四時外感或
其人元氣充實臟氣平素無火或時逢寒勝之令本
無內熱等證者皆不宜妄用涼藥以致寒滯不散則
為害非淺宜此主之

陳皮

一錢半

半夏

二錢

細辛

一二錢

厚朴

一錢半

生薑

三五片

柴胡

一錢半或
二三錢

甘草

八分

水一鍾半煎七八分溫服○如邪盛者可加羌活白
芷防風紫蘓之屬擇而用之○如頭痛不止者加川

芎一二錢○如多濕者加蒼朮○如陰寒氣勝必加麻黃一二錢或兼桂枝不必疑也

三柴胡飲 三 三為木數從肝經血分也○凡人素稟陰分不足或肝經血少而偶感風寒者或感邪不深可兼補而散者或病後產後感冒有不得不從解散而血氣虛弱不能外達者宜此主之

柴胡 二錢 芍藥 一錢 炙甘草 一錢 陳皮 一錢 生薑 三五片

當歸

二錢 湯泄者易以熟地

水一鍾半煎七八分溫服○如微寒欬嘔者加半夏

一二錢

四柴胡飲

四

為金數從氣分也○凡人元氣不足或

恐饑勞倦而外感風寒或六脉緊數微細正不勝邪
等證必須培助元氣兼之解散庶可保全宜此主之
若但知散邪不顧根本未有不元氣先敗者察之慎
之

柴胡

一二錢

炙甘草

一錢生薑

三五片

當歸

二三錢瀉人

者少用

參

二三錢或五錢酌而用之

水二鍾煎七八分溫服○如胸膈滯悶者加陳皮一

錢

五柴胡飲

五

五為土數從脾胃也○脾土為五臟之本

凡中氣不足而外邪有不散者非此不可此與四柴胡飲相表裏但四柴胡飲止調氣分此則兼培氣血以逐邪寒尤切於時用者也神效不可盡述凡傷寒瘧疾痘瘡皆所宜用

柴胡

一二錢

當歸

二三錢

熟地

三五錢

白朮

二三錢

芍藥

半錢

炒用

炙甘草

一錢

陳皮

酌用或不必用

水一鍾半煎七分食遠熱服

寒勝無火者減芍藥

加生薑三五七片或炮乾薑一二錢或再加桂枝一

二錢則更妙○脾滯者減白朮○氣虛者加人參隨

宜○腰痛者加杜仲○頭痛者加川芎○勞倦傷脾

陽虛者加升麻一錢

正柴胡飲

六

凡外感風寒發熱惡寒頭疼身痛痰癰初

起等證凡血氣平和宜從平散者此方主之

柴胡

一二錢

防風

一錢

陳皮

半錢

芍藥

二錢

甘草

一錢

生薑

三五片

水一鍾半煎七八分熱服○如頭痛者加川芎一錢
○如熱而兼渴者加葛根一二錢○如嘔惡者加半
夏一錢五分○如濕勝者加蒼朮一錢○如胸腹有
微滯者加厚朴一錢○如寒氣勝而邪不易解者加
麻黃一二三錢去浮沫服之或蘓葉亦可

麻桂飲

七

治傷寒瘟疫陰暑瘧疾凡陰寒氣勝而邪有

不能散者非此不可無論諸經四季凡有是證即宜
是藥勿謂夏月不可用也不必厚蓋但取津津微汗
透徹為度此實麻黃桂枝二湯之變方而其神效則
大有超出二方者不可不為細察

官桂

錢一二

當歸

錢三四

炙甘草

錢一 陳皮

隨宜用或不用亦可

麻

黃

錢二三

水一鍾半加生薑五七片或十片煎八分去浮沫不

拘時服○若陰氣不足者加熟地黃三五錢○若三陽併病者加柴胡二三錢○若元氣大虛陰邪難解者當以大溫中飲更迭為用

大溫中飲八凡患陽虛傷寒及一切四時勞倦寒疫陰暑之氣身雖熾熱時猶畏寒即在夏月亦欲衣被覆蓋或喜熱湯或兼嘔惡泄瀉但六脉無力肩背怯寒邪氣不能外達等證此元陽大虛正不勝邪之候若非峻補托散則寒邪日深必致不救溫中自可散寒

即此方也服後畏寒悉除覺有躁熱乃陽回作汗佳
兆不可疑之畏之○此外凡以素秉薄弱之輩或感
陰邪時疫發熱困倦雖未見如前陰證而熱邪未甚
者但於初感時即速用此飲連進二三服無不隨藥
隨愈真神劑也○此方宜與理陰煎麻桂飲相參用

熟地

三五錢

冬白朮

三五錢

當歸

三五錢如泄瀉者不宜用或以山藥代之

人參

三五錢甚者一兩或不用亦可

炙甘草

一錢

柴胡

二三錢

麻黃

三錢肉桂

一二錢

乾薑

炒熟一二錢或用煨生薑三五七片亦可

水二鍾煎七分去浮沫溫服或畧蓋取微汗○如氣虛加黃芪二三錢○如寒甚陽虛者加製附子一二錢○頭痛加川芎或白芷細辛○陽虛氣陷加升麻○如肚腹泄瀉宜少減柴胡加防風細辛亦可○嘗見傷寒之治惟仲景能知溫散如麻黃桂枝等湯是也亦知補氣而散如小柴胡之屬是也至若陽根於陰汗化於液從補血而散而雲騰致雨之妙則仲景猶所未及故予制此方乃邪從營解第一義也其功

難悉所當深察

柴陳煎

九

治傷風兼寒欬發熱痞滿多痰等證

柴胡

二錢

陳皮

半錢

半夏

二錢

茯苓

二錢

甘草

一錢

生薑

三五
七片

水一鍾半煎七分食遠溫服○如寒勝者加細辛七
八分○如風勝氣滯者加蘼葉一錢五分○如冬月
寒甚者加麻黃一錢五分○氣逆多嗽者加杏仁一
錢○痞滿氣滯者加白芥子五七分

柴苓煎^十 治傷寒表邪未解外內俱熱瀉痢煩渴喜冷
氣壯脉滑數者宜此主之及瘧痢並行內熱去血兼
表邪發黃等證

柴胡

錢二三

黃芩

梔子

澤瀉

木通

各二錢

枳殼

一錢五分

水二鍾煎八分溫服○如瘧痢並行鮮血純血者加
芍藥二錢甘草一錢○如濕勝氣陷者加防風一錢
柴苓飲^十 一治風濕發黃發熱身痛脉緊表裏俱病小水

不利中寒泄瀉等證

柴胡

錢二三

猪苓

茯苓

澤瀉

錢各二

白朮

錢二三

肉

桂

錢一二三

水一鍾半煎服

○如寒邪勝者加生薑三五片○如

汁出熱不退者加芍藥一二錢

柴胡白虎煎

二十

治陽明溫熱表邪不解等證

柴胡

錢二

石膏

錢三

黃芩

錢二

麥冬

錢二

細甘草

分七

水一鍾半加竹葉二十片煎服

歸葛飲

三

治陽明溫暑時證大熱大渴津液枯涸陰虛

不能作汗等證

當歸

三五錢

乾葛

二三錢

水二鍾煎一鍾以冷水浸涼徐徐服之得汗即解

柴葛煎

四十

方在因陣十八

治瘟疫表裏俱熱

秘傳走馬通聖散

五十

治傷寒陰邪初感等證○此方宜

用於倉卒之時其有質強而寒甚者俱可用

麻黃

炙甘草

各一兩

雄黃

二錢

右為細末每服一錢熱酒下即汗○或加川芎

二錢

秘傳白犀丹^十發散外感瘟疫癰毒等證

六

白犀角

麻黃

去節

山茨菇

玄明粉

血竭

甘

草

各一錢

雄黃

八分

右共為末用老薑汁拌丸如棗核大外以紅棗去核將藥填入棗內用薄紙裹十五層入砂鍋內炒令烟盡為度取出去棗肉每藥一錢入冰片一分麝香半

分研極細磁礮收貯用時以角簪蘸麻油粘藥點眼
大角輕者只點眼角重者仍用些須吹鼻男先左女
先右吹點皆同如病甚者先吹鼻後點眼點後蹣脚
坐起用被齊項煖蓋半炷香時自當汗出邪解如汗
不得出或汗不下達至腰者不治

又一製法將前藥用薑汁拌作二丸以烏金紙兩層
包定外搗紅棗肉如泥包藥外約半指厚晒乾入砂
鍋內再覆以砂盆用鹽泥固縫但留一小孔以候烟

色乃上下加炭火先文後武待五色烟盡取出去棗肉每煨過藥一錢止加冰片二分不用麝香○忌生冷麵食魚腥七情

右藥凡傷寒瘟疫及小兒痘毒壅閉癰毒吼喘及陰毒冷氣攻心或婦人吹乳或眼目腫痛鼻壅閉塞並皆治之

歸柴飲

七十

治營虛不能作汗及真陰不足外感寒邪難

解者此神方也○如大便多溏者以冬朮代當歸亦

佳

當歸兩 柴胡

五錢炙甘草八分

水一鍾半煎服○或加生薑三五片○或加陳皮一

錢○或加人參

寒陣

保陰煎一治男婦帶濁遺淋色赤帶血脈滑多熱便血

不止及血崩血淋或經期太早凡一切陰虛內熱動

血等證

生地 熟地 芍藥 山藥 川續斷 黃芩

各二錢

黃柏

各一錢半

生甘草

一錢

水二鍾煎七分食遠溫服○如小水多熱或兼怒火動血者加焦梔子一二錢○如夜熱身熱加地骨皮一錢五分○如肺熱多汗者加麥冬棗仁○如血熱甚者加黃連一錢五分○如血虛血滯筋骨腫痛者加當歸二三錢○如氣滯而痛去熟地加陳皮青皮丹皮香附之屬○如血脫血滑及便血久不止者加

地榆一二錢或烏梅一二個或百藥煎一二錢文蛤亦可○如少年或血氣正盛者不必用熟地山藥如肢節筋骨疼痛或腫者加秦艽丹皮各一二錢加減一陰煎_二方在補陣九

治水虧火勝之甚者

抽薪飲_三

治諸凡火熾盛而不宜補者

黃芩

石斛

木通

梔子

_炒

黃柏

_{各一錢}

枳殼

_{半錢}

澤瀉

_{錢半}

細甘草

_{三分}

水一鍾半煎七分食遠溫服內熱甚者冷服更佳○
如熱在經絡肌膚者加連翹天花粉以解之○熱在
血分大小腸者加槐蕊黃連以清之○熱在陽明頭
面或躁煩便實者加生石膏以降之○熱在下焦小
水痛澀者加草龍膽車前以利之○熱在陰分津液
不足者加門冬生地芍藥之類以滋之○熱在腸胃
實結者加大黃芒硝以通之

徙薪飲

四

治三焦凡火一切內熱漸覺而未甚者先宜

清以此劑其甚者宜抽薪飲

陳皮

八分

黃芩

二錢

麥冬

芍藥

黃栢

茯苓

牡

丹皮

各一錢半

水一鍾半煎七分食遠溫服○如多鬱氣逆傷肝脇助疼痛或至動血者加青皮梔子

大分清飲

五

治積熱閉結小水不利或致腰腹下部極

痛或濕熱下利黃疸溺血邪熱畜血腹痛淋閉等證

茯苓

澤瀉

木通

各二錢

猪苓

梔子

或倍之

枳殼

車前子

各一錢

水一鍾半煎八分食遠溫服○如內熱甚者加黃芩
黃栢草龍膽之屬○如大便堅鞭脹滿者加大黃二
三錢○如黃疸小水不利熱甚者加茵陳二錢○如
邪熱畜血腹痛者加紅花青皮各一錢五分

清流飲_六治陰虛挾熱瀉痢或發熱或喜冷或下純紅
鮮血或小水痛赤等證

生地 芍藥 茯苓 澤瀉 當歸 甘草

各二錢

一錢

錢一 黃芩

黃連

半各錢

枳殼

錢一

水一鍾半煎服○如熱甚者加黃芩○小水熱痛者

加梔子

化陰煎

七

治水虧陰涸陽火有餘小便癰閉淋濁疼痛

等證

生地黃 熟地黃 牛膝 猪苓 澤瀉 生黃

栢 生知母

錢各二

綠豆

錢二

龍膽草

半錢

車前子

錢一

水二鍾加食鹽少許用文武火煎八分食前溫服或

冷服○若水虧居多而陰氣大有不足者可遞加熟地黃即用至一二兩亦可

茵陳飲^八 治挾熱泄瀉熱痢口渴喜冷小水不利黃疸濕熱閉澀等證

茵陳 焦梔子 澤瀉 青皮^{各三錢} 甘草^{一錢} 甘菊

花^{二錢}

用水三四鍾煎兩鍾不時陸續飲之治熱瀉者一服可愈

清膈煎九 治痰因火動氣壅喘滿內熱煩渴等證

陳皮

半錢

貝母

二錢

微敲破

膽星

一錢

海石

二錢

白芥子

七

錢

五

分
木通二錢

水一鍾半煎七分溫服○如火盛痰不降者加童便
一小鍾○如渴甚者加天花粉一錢○如熱及下焦
小水不利者加梔子一錢半○如熱在上焦頭面紅
赤煩渴喜冷者加生石膏二三錢○如痰火上壅而
小水不利者加澤瀉一二錢○如痰火閉結大便不

通而兼脹滿者加大黃數錢或朴硝一二錢酌宜用之

化肝煎⁺治怒氣傷肝因而氣逆動火致為煩熱脇痛
脹滿動血等證

青皮 陳皮_{各二錢} 芍藥_{二錢} 丹皮 梔子_炒 澤瀉_{各錢}

{半如血見下部者以甘草代之} 土貝母{二三錢}

水一鍾半煎七八分食遠溫服○如大便下血者加地榆小便下血者加木通各一錢五分○如兼寒熱

加柴胡一錢○如火盛加黃芩一二錢○如脇腹脹痛加白芥子一錢○脹滯多者勿用芍藥

安胃飲^十治胃火上衝呃逆不止

陳皮 山查 麥牙 木通 澤瀉 黃芩 石

斛

水一鍾半煎七分食遠服○如胃火熱甚脉滑實者加石膏

玉女煎^十治水虧火盛六脉浮洪滑大少陰不足陽明

有餘煩熱乾渴頭痛牙疼失血等證如神若大便溏泄者乃非所宜

生石膏

三五錢

熟地

三五錢或一兩

麥冬

二錢

知母

牛膝

各錢

半

水一鍾半煎七分溫服或冷服○如火之盛極者加梔子地骨皮之屬亦可○如多汗多渴者加北五味十四粒○如小水不利或火不能降者加澤瀉一錢五分或茯苓亦可○如金水俱虧因精損氣者加人參二

三錢尤妙

太清飲

三

治胃火煩熱狂斑嘔吐等證可與白虎湯出

入酌用

知母

石斛

木通

各一錢半

石膏

生用五錢

水一鍾半煎七分溫服或冷服○或加麥門冬

綠豆飲

四十

凡熱毒勞熱諸火熱極不能退者用此最妙

用綠豆不拘多寡寬湯煮糜爛入鹽少許或蜜亦可
待水冷或厚或稀或湯任意飲食之日或三四次不

拘此物性非苦寒不傷脾氣且善於解毒除煩退熱
止渴大利小水乃淺易中之最佳最捷者也若火盛
口甘不宜厚味但畧煮半熟清湯冷飲之尤善除煩
清火

玉泉散

十五

亦名一六甘露散○治陽明內熱煩渴頭痛

二便閉結溫疫斑黃及熱痰喘嗽等證○此益元散
之變方也其功倍之

石膏

六兩
生用

粉甘草

一兩

右為極細末每服一二三錢新汲水或熱湯或人參湯調下○此方加硃砂三錢亦妙

雪梨漿

十解煩熱退陰火此生津止渴之妙劑也

用清香甘美大梨削去皮別用大碗盛清冷甘泉將梨薄切浸於水中少頃水必甘美但頻飲其水勿食其粗退陰火極速也

滋陰八味丸_{七十}治陰虛火盛下焦濕熱等證○此方變丸為湯即名滋陰八味煎

山藥

四兩

丹皮

三兩

白茯苓

三兩

山茱萸

肉四兩

澤瀉

三兩

黃

栢

鹽水炒三兩

熟地黃

八兩蒸搗

知母

鹽水炒三兩

右加煉蜜搗丸梧桐子大或空心或午前用滾白湯或淡鹽湯送下百餘丸

約陰丸

八十

治婦人血海有熱經脉先期或過多者或兼

腎火而帶濁不止及男婦大腸血熱便紅等證

當歸

白朮

炒

芍藥

酒炒

生地

茯苓

地榆

黃

芩

白石脂

醋煨碎

北五味

丹參

川續斷

各等分

右為末煉蜜丸服○火甚者倍用黃芩○兼肝腎之火甚者仍加知母黃柏各等分○大腸血熱便紅者加黃連防風各等分

服蠶煎九十此方性味極輕極清善入心肝二臟行滯氣開鬱結通神明養正除邪大有奇效

生地 麥門冬 芍藥 石菖蒲 石斛 川丹

皮極香者 茯苓各二錢 陳皮一錢 木通 知母各一錢半

水一鍾半煎七分食遠服○如痰勝多鬱者加貝母

二錢○痰盛兼火者加膽星一錢五分○陽明火盛
內熱狂叫者加石膏二三錢○便結脹滿多熱者玄
明粉二三錢調服或暫加大黃亦可○氣虛神困者
加人參隨宜

約營煎^二治血熱便血無論脾胃小腸大腸膀胱等證
皆宜用此

生地 芍藥 甘草 續斷 地榆 黃芩 槐

花 荆芥穗

^炒烏梅^二
^焦個

水一鍾半煎七分食前服○如下焦火盛者可加梔
子黃連龍膽草之屬○如氣虛者可加人參白朮○
如氣陷者加升麻防風

熱陣

四味回陽飲_一 治元陽虛脫危在頃刻者

人參

_{兩一二}

製附子

_{錢二三}

炙甘草

_{錢一二}

炮乾薑

_{錢二三}

水二鍾武火煎七八分溫服徐徐飲之

六味回陽飲_二 治陰陽將脫等證

人參

一二兩或數錢

製附子

二錢

炮乾薑

二錢

炙甘草

一錢

熟地

五錢或一兩

當歸身

三錢如泄瀉者或血動者以冬末易之多多益善

水二鍾武火煎七八分溫服○如肉振汗多者加炙

黃芪四五錢或一兩或冬白朮三五錢○如泄瀉者

加烏梅二枚或北五味二十粒亦可○如虛陽上浮

者加茯苓二錢○如肝經鬱滯者加肉桂二三錢

理陰煎

三

此理中湯之變方也○凡脾腎中虛等證宜

剛燥者當用理中六君之類宜溫潤者當用理陰大

營之類欲知調補當先察此○此方通治真陰虛弱
脹滿嘔噦痰飲惡心吐瀉腹痛婦人經遲血滯等證
○又凡真陰不足或素多勞倦之輩因而忽感寒邪
不能解散或發熱或頭身疼痛或面赤舌焦或雖渴
而不喜冷飲或背心肢體畏寒但脉見無力者悉是
假熱之證若用寒涼攻之必死宜速用此湯照後加
減以溫補陰分托散表邪連進數服使陰氣漸充則
汗從陰達而寒邪不攻自散此最切於時用者也神

效不可盡述

熟地

三五七錢
或一二兩

當歸

二三錢
或五七錢

炙甘草

一二錢

乾薑

炒黃色一
二三錢

或加肉桂

一二錢

水二鍾煎七八分熱服○此方加附子即名附子理
陰煎再加人參即名六味回陽飲治命門火衰陰中
無陽等證○若風寒外感邪未入深但見發熱身痛
脉數不洪凡內無火證素稟不足者但用此湯加柴
胡一錢半或二錢連進一二服其效如神若寒凝陰

盛而邪有難解者必加麻黃一二錢放心用之或不
用柴胡亦可恐其清利也此寒邪初感溫散第一方
惟仲景獨知此義第仲景之溫散首用麻黃桂枝二
湯余之溫散即以理陰煎及大溫中飲為增減此雖
一從陽分一從陰分其跡若異然一逐於外一托於
內而用溫則一也學者當因所宜酌而用之○若陰
勝之時外感寒邪脉細惡寒或背畏寒者乃太陽少
陰證也加細辛一二錢甚者再加附子一二錢真神

劑也或并加柴胡以助之亦可○若陰虛火盛其有
內熱不宜用溫而氣血俱虛邪不能解者宜去薑桂
單以三味加減與之或止加人參亦可○若治脾腎
兩虛水泛為痰或嘔或脹者於前方加茯苓一錢半
或加白芥子五分以行之○若泄瀉不止及腎泄者
少用當歸或并去之加山藥扁豆吳茱萸破故肉豆
蔻附子之屬○若腰腹有痛加杜仲枸杞○若腹有
脹滯疼痛加陳皮木香砂仁之屬

養中煎^四 治中氣虛寒為嘔為泄者

人參

^一二錢

山藥

^炒二錢

白扁豆

^炒二錢

炙甘草

^一錢 茯苓

乾薑

^炒黃一錢

水二鍾煎七分食遠溫服○如噯腐氣滯者加陳皮

一錢或砂仁四分○如胃中空虛覺餒者加熟地三

五錢

溫胃飲^五

治中寒嘔吐吞酸泄瀉不思飲食及婦人臟

寒嘔惡胎氣不安等證

人參

一、二、三錢
或一兩

白朮

炒一、二錢
或一兩

扁豆

二錢
炒

陳皮

一錢

或不

乾薑

炒焦一、二錢

炙甘草

一錢

當歸

一、二錢
滑泄者勿用

水二鍾煎七分食遠溫服○如下寒帶濁者加破故

紙一錢○如氣滯或兼胸腹痛者加藿香丁香木香

白豆蔻砂仁白芥子之屬○如兼外邪及肝腎之病

者加桂枝肉桂甚者加柴胡○如脾氣陷而身熱者

加升麻五七分○如水泛為痰而胸痞滿者加茯苓

苓一二錢○如脾胃虛極大嘔大吐不能止者倍用

參朮仍加胡椒二三分許煎熟徐徐服之

五君子煎

六

治脾胃虛寒嘔吐泄瀉而兼濕者

人參

錢二三

白朮

茯苓

錢各二

炙甘草

錢一 乾薑 炒黃 一二

錢

水一鍾半煎服

六味異功煎

七

治證同前而兼微滯者

即前方加陳皮一錢○此即五味異功散加乾薑也

參薑飲

八

治脾胃氣虛寒嘔吐欬嗽氣短小兒吐乳

等證

人參

三五錢
或倍之

炙甘草

三五分

乾薑

炮五分或一二錢
或用煨生薑三五

片

水一鍾半煎七八分徐徐服之○此方或陳皮或萆
撥或茯苓皆可酌而佐之

胃關煎九治脾腎虛寒作瀉或甚至久瀉腹痛不止冷

痢等證

熟地

三五錢
或一兩

山藥

炒二錢

白扁豆

炒二錢

炙甘草

一二錢

焦乾薑

一二錢

吳茱萸

製五分

白朮

炒一二錢

水二鍾煎七分食遠溫服○瀉甚者加肉豆蔻一二

錢麩炒用或破故紙亦可○氣虛勢甚者加人參隨

宜用○陽虛下脫不固者加製附子一二三錢○腹

痛甚者加木香七八分或加厚朴八分○滯痛不通

者加當歸二三錢○滑脫不禁者加烏梅二個或北

五味子二十粒○若肝邪侮脾者加肉桂一二錢

佐關煎十治生冷傷脾瀉痢未久腎氣未損者宜用此

湯以去寒濕安脾胃此胃關煎之佐者也

厚朴

炒一錢

陳皮

炒一錢

山藥

炒二錢

扁豆

炒二錢

炙甘草

七分猪苓

二錢

澤瀉

二錢

乾薑

炒一錢

肉桂

一二錢

水一鍾半煎服○如腹痛甚者加木香三五分或吳茱萸亦可○如瀉甚不止者或破故紙或肉豆蔻皆可加用

抑扶煎_十治氣冷陰寒或暴傷生冷致成瀉痢凡初起血氣未衰脾腎未敗或脹痛或嘔惡皆宜先用此湯

此胃關煎表裏藥也宜察虛實用之其有寒濕傷臟霍亂邪實者最宜用此

厚朴 陳皮

烏藥

各一錢五分

猪苓

二錢

澤瀉

二錢

炙甘草

草 乾薑

炮一錢

吳茱萸

製五分七分

水一鍾半煎七分食遠溫服○如氣滯痛甚者加木香五七分或砂仁亦可○如血虛多痛者加當歸二錢○如寒濕勝者加蒼朮一錢半

四維散

十

治脾腎虛寒滑脫之甚或泄痢不能止或氣

虛下陷二陰血脫不能禁者無出此方之右

人參

二兩

製附子

二錢

乾薑

炒黃二錢

炙甘草

一二錢

烏梅肉

五分或一錢酌其味之微甚隨病人之意而用之或不用此即四味回陽飲也

右為末和勻用水拌濕蒸一飯頃取起烘乾再為末
每服一二錢溫湯調下

鎮陰煎

十

治陰虛於下格陽於上則真陽失守血隨而

溢以致大吐大衄六脉細脫手足厥冷危在頃刻而
血不能止者速宜用此使孤陽有歸則血自安也如

治格陽喉痺上熱者當以此湯冷服

熟地

兩一

牛膝

錢二

炙甘草

錢一

澤瀉

錢一

肉桂

錢二

製附子

五七分或一二三錢

水二鍾速煎服○如兼嘔惡者加乾薑炒黃一二錢
○如氣脫倦言而脉弱極者宜速速多加人參隨宜
用之

歸氣飲

十

治氣逆不順呃逆嘔吐或寒中脾腎等證

熟地

錢三五

茯苓

錢二

扁豆

錢二

乾薑

炮

丁香

陳皮

各一

錢
藿香一錢五分炙甘草八分

水一鍾半煎七分食遠溫服○中氣寒甚者加製附

子○肝腎寒者加吳茱萸肉桂或加當歸

煖肝煎十五治肝腎陰寒小腹疼痛疝氣等證

當歸二錢枸杞三錢茯苓二錢小茴香二錢肉桂一二錢烏

藥二錢沉香一錢或木香亦可

水一鍾半加生薑三五片煎七分食遠溫服○如寒

甚者加吳茱萸乾薑再甚者加附子

壽脾煎

十一

一名攝營煎○治脾虛不能攝血等證凡憂

思鬱怒積勞及誤用攻伐等藥犯損脾陰以致中氣
虧陷神魂不寧大便脫血不止或婦人無火崩淋等
證凡兼嘔惡尤為危候速宜用此單救脾氣則統攝
固而血自歸源此歸脾湯之變方其效如神若犯此
證而再用寒涼則胃氣必脫無不即斃者

白朮

錢二三

當歸

錢二

山藥

錢二

炙甘草

錢一

東仁

錢半

遠志

錢

制三分乾薑

炮一二錢

蓮肉

去心炒

人參

隨宜一二錢

急者用一兩

水二鍾煎服○如血未止加烏梅二個凡畏酸者不可用或加地榆一錢半亦可○滑脫不禁者加醋炒文蛤一錢下焦虛滑不禁加鹿角霜二錢為末攪入藥中服之氣虛甚者加炙黃芪二三錢○氣陷而墜者加炒升麻五七分或白芷亦可○兼溏泄者加補骨脂一錢炒用○陽虛畏寒者加製附子一二三錢○血去過多陰虛氣餒心跳不寧者加熟地七八錢或一二兩

三氣飲^七治血氣虧損風寒濕三氣乘虛內侵筋骨歷節痺痛之極及痢後鶴膝風痛等證

當歸 枸杞 杜仲^{各二錢} 熟地^{三錢或五錢} 牛膝 茯苓

苓 芍藥^{酒炒} 肉桂^{各一錢} 北細辛^{或代以獨活} 白芷 炙

甘草^{各一錢} 附子^{隨宜一錢}

水二鍾加生薑三片煎服○如氣虛者加人參白朮隨宜○風寒勝者加麻黃一二錢○此飲亦可浸酒大約每藥一斤可用燒酒六七升浸十餘日徐徐服

之

五德丸

十

治脾腎虛寒飧泄驚澹等證或暴傷生冷或

受時氣寒濕或酒濕傷脾腹痛作泄或飲食失宜嘔
惡痛泄無火等證

補骨脂

四兩酒炒

吳茱萸

製二兩

木香

二兩

乾薑

四兩炒

北五

味

二兩或肉豆蔻代之麪炒用或用烏藥亦可

湯浸蒸餅九桐子大每服六七十丸甚者百餘丸滾
白湯或人參湯或米湯俱可下○腹痛多嘔者加胡

椒二兩更妙

七德丸^{九十}治生冷傷脾初患瀉痢肚腹疼痛凡年壯氣血未衰及寒濕食滯凡宜和胃者無不神效此即佐關煎之偏裨也

台烏藥

吳茱萸

製

乾薑

炒

黃蒼朮

炒

木香

茯苓

苓

各一兩

補骨脂

炒四兩

神麴糊丸桐子大每服七八十九或百丸滾白湯送

下

復陽丹^{十二} 治陰寒嘔吐泄瀉腹痛寒疝等證

附子製炮薑胡椒北五味^炒炙甘草^{各一兩}白

麴^{二兩炒熟}

右為末和勻入溫湯搗丸桐子大每服一錢隨證用

藥引送下

黃芽丸^{二十} 治脾胃虛寒或飲食不化或時多脹滿泄

瀉吞酸嘔吐等證此藥隨身常用甚妙

人參^{二兩}焦乾薑^{三錢}

煉白蜜為丸，芡實大，常嚼服之。

一、炆丹二治脾腎虛寒不時易瀉腹痛陽痿怯寒等證，此即參附湯之變方也。

人參

製附子

各等分

煉白蜜丸如綠豆大，每用滾白湯送下三五分，或一錢，凡藥餌不便之處或在途次隨帶此丹最妙。

九炆丹

三

治脾腎虛寒如五德丸之甚者。

熟地

八兩

製附子

四兩

肉豆蔻

二兩

焦薑

二兩

吳茱萸

補骨脂

酒炒

葷菜

炒

五味子

炒

各二兩

粉甘草

炒

一兩

煉白蜜為丸或山藥糊丸如桐子大每服六七十丸

或百丸滾白湯下○如氣虛者加人參或二兩或四

兩尤妙甚

溫臟丸

二四

治諸蟲積既逐而復生者多由臟氣虛寒宜

溫健脾胃以杜其源此方主之

人參

隨宜用無亦可

白朮

米泔浸炒

當歸

各四兩

芍藥

酒炒焦

茯苓

川椒

去合口者炒出汗

細榧肉

史君子

煨取肉

檳榔

各二

兩
乾薑

炮

吳茱萸

湯泡一宿
炒各一兩

右為末神麴糊為丸桐子大每服五七十九或百九
饑時白湯下○如臟寒者加製附子一二兩○臟熱
者加黃連一二兩

聖木煎

五

治飲食偶傷或吐或瀉胸膈痞悶或脇肋疼

痛或過用剋伐等藥致傷臟氣有同前證而脉息無
力氣怯神倦者速宜用此不得因其虛痞虛脹而畏
用白朮此中虛實之機貴乎神悟也若痛脹覺甚者

即以此煎送神香散最妙若用治寒濕瀉痢嘔吐尤為聖藥

白朮

用冬朮味甘佳者五六七八錢炒或一二兩

乾薑

炒

肉桂

各一二錢

陳皮

酌用或不

水一鍾半煎七分溫熱服○若治虛寒瀉痢嘔吐等證則人參炙甘草之類當任意加用○若治中虛感寒則麻黃柴胡亦任意加用

固陣

秘元煎 一治遺精帶濁等病此方專主心脾

遠志

炒八分

山藥

炒二錢

芡實

炒二錢

棗仁

炒搗碎二錢

白朮

炒

茯苓

各錢半

炙甘草

一錢

人參

一二錢

五味

十四粒畏酸者去之

金櫻子

去核二錢

水二鍾煎七分食遠服○此治久遺無火不痛而滑

者乃可用之○如尚有火覺熱者加苦參一二錢○

如氣大虛者加黃芪一二三錢

固陰煎 二治陰虛滑泄帶濁淋遺及經水因虛不固等

證此方專主肝腎

人參

隨宜

熟地

錢三五

山藥

炒錢二

山茱萸

半錢

遠志

七分

炒

炙甘草

錢一二

五味

粒十四

兔絲子

炒香錢三

二

水二鍾煎七分食遠溫服○如虛滑遺甚者加金櫻

子肉二三錢或醋炒文蛤一錢或烏梅二個○如陰

虛微熱而經血不固者加川續斷二錢○如下焦陽

氣不足而兼腹痛溏泄者加補骨脂吳茱萸之類隨

宜用之○如肝腎血虛小腹痛而血不歸經者加當

歸二三錢○如脾虛多濕或兼嘔惡者加白朮一二錢○如氣陷不固者加炒升麻一錢○如兼心虛不眠或多汗者加棗仁二錢炒用

兔絲煎_三 治心脾氣弱凡遇思慮勞倦即苦遺精者宜此主之

人參_{錢二} 山藥_{炒二錢} 當歸_{半錢} 兔絲子_{製炒四錢} 棗仁

炒茯苓_{各錢半} 炙甘草_{一錢或五分} 遠志_{製四分} 鹿角霜_{為末}

每服加八四五匙

右用水一鍾半煎成加鹿角霜末調服食前○或加
白朮一二錢

惜紅煎^四治婦人經血不固崩漏不止及腸風下血等
證

白朮 山藥 炙甘草 地榆 續斷^炒 芍藥^炒

北五味^{粒十四} 荊芥穗^炒 烏梅^{枝二}

水一鍾半煎七分食遠服○如火盛者加黃連黃芩
如脾虛兼寒脾泄者加破故紙人參

苓朮兔絲丸 五 治脾腎虛損不能收攝以致夢遺精滑

困倦等證

白茯苓

白朮

米泔洗炒

蓮肉

去心各四兩

五味

二兩酒蒸

山藥

炒二兩

杜仲

酒炒三兩

炙甘草

五錢

兔絲子

用好水淘淨入陳酒浸一日文

火煮極爛搗為餅焙乾為末十兩

右用山藥末以陳酒煮糊為丸桐子大空心滾白湯

或酒下百餘丸○如氣虛神倦不能收攝者加人參

三四兩尤妙

固真丸 六 治夢遺精滑

兔絲子

一斤淘洗淨用好酒浸三日煮極熟搗膏曬乾或用淨白布包蒸亦佳 牡蠣

煨四兩

金櫻子

去子蒸熟四兩 茯苓 酒拌蒸晒四兩

右蜜丸空心好酒送下三錢或鹽湯亦可

粘米固腸糕 七 治脾胃虛寒或因食滯氣滯腹痛泄瀉

久不止者多服自效

用白糯米滾湯淘洗炒香熟為粉每粉一兩加乾薑末炒熟者二分半白糖二錢拌勻於饑時用滾

水調服一二兩如有微滯者加陳皮炒末二分或砂仁末一分俱妙○一法用陳老米粉亦妙○此與古方固類四十九泄瀉經驗方大同小異并補陣養元粉畧同

玉關丸八治腸風血脫崩漏帶濁不固諸藥難效者宜用此丸兼煎藥治之及瀉痢滑泄不能止者亦宜用此

白麩

炒熟四兩

枯礬

二兩

文蛤

醋炒黑二兩

北五味

炒一兩

訶子

二兩半
生半炒

右為末用熟湯和丸梧子大以溫補脾腎等藥隨證
加減煎湯送下或人參湯亦可○如血熱妄行者以
涼藥送下

鞏隄丸 治膀胱不藏水泉不止命門火衰小水不禁
等證

熟地

二兩

兔絲子

酒煮二兩

白朮

炒二兩

北五味

益智仁

酒炒

故紙

酒炒

附子

製

茯苓

家韭子

炒各一兩

右為末山藥糊丸如桐子大每服百餘丸空心滾湯或溫酒下○如兼氣虛必加人參一二兩更妙

敦阜糕⁺治久瀉久痢腸滑不固妙方及婦人帶濁最

佳

白麴

炒黃
二兩

冬白朮

炒黃
一兩

破故紙

炒五
錢

右共為末臨服時加白糖隨宜用清滾湯食前調服如糕法如胃寒者每一兩加乾薑炒末五分或一錢如氣有不順或痛或嘔每末一兩加丁香一錢○如

滑泄不禁者每兩加粟殼末炒黃一錢○若以作丸則宜三味等分用即名敦阜丸

因陣

逍遙飲一治婦人思鬱過度致傷心脾衝任之源血氣日枯漸至經脉不調者

當歸

二錢

芍藥

錢半

熟地

三錢

棗仁

二錢炒

茯神

錢半

遠

志

製三分

陳皮

八分

炙甘草

一錢

水二鍾煎七分食遠溫服○如氣虛者加人參一二

錢○如經水過期兼痛滯者加酒炒香附一二錢

決津煎 二治婦人血虛經滯不能流暢而痛極者當以

水濟水若江河一決而積垢皆去宜用此湯隨證加

減主之○此用補為瀉之神劑也如氣虛者宜少用

香陳之類甚者不用亦可

當歸

三五錢
或一兩

澤瀉

一錢
半

牛膝

二錢

肉桂

一二錢

熟地

三錢

錢或五七錢
或不用亦可

烏藥

一錢如氣虛
者不用亦可

水二鍾煎七八分食前服○如嘔惡者加焦薑一二

錢○如陰滯不行者非加附子不可○如氣滯而痛
脹者加香附一二錢或木香七八分○如血滯血澀
者加酒炒紅花一二錢○如小腹不煖而痛極者加
吳茱萸七八分○如大便結澇者加肉蓯蓉一二三
錢微者以山查代之

五物煎_三 治婦人血虛凝滯蓄積不行小腹痛急產難
經滯及痘瘡血虛寒滯等證神效○此即四物湯加
肉桂也

當歸

三錢七錢

熟地

三錢

芍藥

二錢酒炒

川芎

一錢

肉桂

三錢

水一鍾半煎服○兼胃寒或嘔惡者加乾薑炮用○

水道不利加澤瀉或猪苓○氣滯者加香附或丁香

木香砂仁烏藥○陰虛疝痛者加小茴香○血瘀不

行臍下若覆杯漸成積塊者加桃仁或酒炒紅花○

痘瘡血虛寒勝寒邪在表者加細辛麻黃柴胡紫蘇

之屬

調經飲

四

治婦人經脉阻滯氣逆不調多痛而實者

當歸

錢三五

牛膝

錢二

山查

錢一二

香附

錢二

青皮

茯苓

各一
錢半

水二鍾煎七分食遠服○如因不避生冷而寒滯其
血者加肉桂吳茱萸之類○如兼脹悶者加厚朴一
錢或砂仁亦可○如氣滯者加烏藥二錢或痛在小
腹者加小茴香一錢半

通瘀煎

五

治婦人氣滯血積經脉不利痛極拒按及產

後瘀血實痛并男婦血逆血厥等證

歸尾

錢三五

山查

香附

紅花

新者炒黃
各二錢

青皮

錢半

烏藥

錢一二

木香

分七

澤瀉

錢半

水二鍾煎七分加酒一二小鍾食前服○兼寒滯者
加肉桂一錢或吳茱萸五分○火盛內熱血燥不行
者加炒梔子一二錢○微熱血虛者加芍藥二錢○
血虛澁滯者加牛膝○血瘀不行者加桃仁三十粒
去皮尖用或加蘓木玄胡索之類○瘀極而大便結
燥者加大黃一二三錢或加芒硝蓬朮亦可

胎元飲

六

治婦人衝任失守胎元不安不固者隨證加

減用之或間日或二三日常服一二劑

人參

隨宜

當歸

杜仲

芍藥

各二錢

熟地

二三錢

白朮

錢半

炙甘草

一錢

陳皮

七分無滯者不必用

水二鍾煎七分食遠服○如下元不固而多遺濁者

加山藥補骨脂五味之類○如氣分虛甚者倍白朮

加黃芪但芪朮氣浮能滯胃口倘胸膈有飽悶不快

者須慎用之○如虛而兼寒多嘔者加炮薑七八分

或一二錢○如虛而兼熱者加黃芩一錢五分或加生地二錢去杜仲○如陰虛小腹作痛加枸杞二錢○如多怒氣逆者加香附無妨或砂仁亦妙○如有所觸而動血者加川續斷阿膠各一二錢○如嘔吐不止加半夏一二錢生薑三五片

固胎煎_七 治肝脾多火多滯而屢墮胎者

黃芩

錢二
白朮_{一二錢}

當歸

芍藥

阿膠

半各錢

陳皮

錢一
砂仁_{五分}

水一鍾半煎服

涼胎飲^八治胎氣內熱不安等證

生地

芍藥^{各二錢}

黃芩

當歸^{各一錢}

甘草^{生七分}

枳

殼

石斛^{各一錢}

茯苓^{半錢}

水一鍾半煎七分食遠溫服○如熱甚者加黃柏一

二錢

滑胎煎^九

胎氣臨月宜常服數劑以便易生

當歸^{三五錢}

川芎^{七分}

杜仲^{二錢}

熟地^{三錢}

枳殼^{七分}

山藥^{二錢}

水二鍾煎八九分食前溫服○如氣體虛弱者加人參白朮隨宜用之○如便實多滯者加牛膝一二錢殿胞煎^十治產後兒枕疼痛等證如神

當歸

五錢或一兩

川芎

炙甘草

各一錢

肉桂

一二錢或五七分

茯苓

一錢

水一鍾煎八分熱服○如脉細而寒或嘔者加乾薑炒黃色一二錢○如血熱多火者去肉桂加酒炒芍藥一二錢○如脉弱陰虛者加熟地三五錢○如氣

滯者加香附一二錢或烏藥亦可○腰痛加杜仲一

二錢

脫花煎

十

凡臨盆將產者宜先服此藥催生最佳并治

產難經日或死胎不下俱妙

當歸

七八錢
或一兩

肉桂

一二錢
或三錢

川芎

牛膝

各二錢

車前

子

銀半
紅花

一錢
不用此味亦可

催生者

水二鍾煎八分熱服或服後飲酒數杯亦妙○若胎

死腹中或堅滯不下者加朴硝三五錢即下○若氣

虛困劇者加人參隨宜○若陰虛者必加熟地三五

錢

九蜜煎

十

治產後陽氣虛寒或陰邪入臟心腹疼痛嘔

吐不食四肢厥冷○此與大岩蜜湯畧同而稍勝之

當歸

熟地

各三錢

芍藥

酒炒焦

茯苓

各錢半

炙甘草

乾

薑

炒

肉桂

北細辛

各一錢

吳茱萸

製五分

水二鍾煎服

清化飲

十

治婦人產後因火發熱及血熱妄行陰虧諸

火不清等證

芍藥 麥冬

各二錢

丹皮

茯苓

黃芩

生地

各二

三錢 石斛 一錢

水一鍾半煎七分食遠溫服○如覺骨蒸多汗者加地骨皮一錢半○熱甚而渴或頭痛者加石膏一二錢○下熱便澁者加木通一二錢或黃栢梔子皆可隨證用之○如兼外邪發熱加柴胡一二錢○愚按丹溪云芍藥酸寒大伐發生之氣產後忌用之此

亦言之過也夫芍藥之寒不過於生血藥中稍覺其清耳非若苓連輩之大苦大寒者也使芍藥猶忌如此則他之更寒者尤為不可用矣余每見產家過慎者或因太煖或因年力方壯而飲食藥餌太補過度以致產後動火者病熱極多若盡以產後為虛必須皆補豈盡善哉且芍藥性清微酸而收最宜於陰氣散失之證豈不為產後之要藥乎不可不辨也

毓麟珠^十治婦人氣血俱虛經脉不調或斷續或帶濁

或腹痛或腰痠或飲食不甘瘦弱不孕服一二觔即
可受胎凡種子諸方無以加此

人參

白朮

土炒

茯苓

芍藥

酒炒

各二兩

川芎

炙甘

草

各一兩

當歸

熟地

蒸搗各四兩

兔絲子

製四兩

杜仲

酒炒

鹿角霜

川椒

各二兩

右為末煉蜜丸彈子大每空心嚼服一二丸用酒或
白湯送下或為小丸吞服亦可○如男子制服宜加
枸杞胡桃肉鹿角膠山藥山茱萸巴戟肉各二兩○

如女人經遲腹痛宜加酒炒破故肉桂各一兩甚者
再加吳茱萸五錢湯泡一宿炒用○如帶多腹痛加
破故一兩北五味五錢或加龍骨一兩醋煨用○如
子宮寒甚或泄或痛加制附子炮乾薑隨宜○如多
鬱怒氣有不順而為脹為滯者宜加酒炒香附二兩
或甚者再加沉香五錢○如血熱多火經早內熱者
加川續斷地骨皮各二兩或另以湯劑暫清其火而
後服此或以湯引酌宜送下亦可

贊育丹

又十

治陽痿精衰虛寒無子等證妙方

熟地

八兩蒸搗

白朮

用冬朮八兩

巴戟肉

甘草湯炒

山茱萸

杜

仲

酒炒

仙茅

酒蒸一日

淫羊藿

羊脂拌炒

肉蓯蓉

酒洗去甲

韭子

炒黃

各四兩

當歸

枸杞

各六兩

蛇床子

微炒

附子

製

肉桂

各二兩

右煉蜜丸服○或加人參鹿茸亦妙

柴歸飲

五十

治痘瘡初起發熱未退無論是痘是邪疑似

之間均宜用此平和養營之劑以為先着有毒者可

托有邪者可散實者不致助邪虛者不致損氣○凡陽明實熱邪盛者宜升麻葛根湯如無實邪則悉宜用此增減主之

當歸

二三錢

芍藥

或生或炒一錢半

柴胡

一錢或錢半

荊芥穗

一錢

炙甘草

七分或一錢

水一鍾半煎服或加生薑三片○血熱者加生地○陰虛者加熟地○氣虛脉弱者加人參○虛寒者加炮薑肉桂○火盛者加黃芩○熱渴者加乾葛○腹

痛者加木香砂仁○嘔惡者加炮薑陳皮○若治麻疹或以荊芥易乾葛○陰寒盛而邪不能解者加麻黃桂枝

疎邪飲

六十

治痘疹初起發熱凡血氣強盛無藉滋補者

單宜解邪用此方為主以代升麻葛根湯及蘓葛湯等方最為妥當

柴胡

倍用

芍藥

倍用

酒炒

蘓葉

荊芥穗

炙甘草

減半

水一鍾半煎服○無火者加生薑三片○火盛內熱

水一鍾半煎服○無火者加生薑三片○火盛內熱

者加黃芩○渴者加乾葛

涼血養營煎

七十

治痘瘡血虛血熱面紅熱渴或色燥不

起及便結溺赤凡陽盛陰虛等證悉宜用此

生地黃 當歸 芍藥 生甘草 地骨皮 紫

草 黃芩 紅花

水一鍾半煎服量兒大小加減用之○渴加天花粉

○肌熱無汗加柴胡○熱毒甚者加牛蒡子木通連

翹之屬○血熱毒不透者加犀角

柴葛煎^十治痘疹表裏俱熱散毒養陰及瘟疫等證

柴胡 乾葛 芍藥 黃芩 甘草 連翹

水一鍾半煎服

搜毒煎^十解痘疹熱毒熾盛紫黑乾枯煩熱便結純陽等證

紫草 地骨皮 牛蒡子^杵 黃芩 木通 連翹

蟬退 芍藥^{等分}

水一鍾半煎服○渴者加天花粉麥門冬○陽明熱

甚頭面牙齦腫痛者加石膏知母○大腸乾結實臍
腹實脹者加大黃芒硝○血熱妄行者加犀角童便
○小水熱閉者加山梔車前子○兼表熱者加柴胡
六物煎^{十二}治痘疹血氣不充隨證加減用之神效不可
盡述并治男婦氣血俱虛等證

炙甘草

當歸

熟地

或用生地

川芎

三四分不宜多

芍藥

俱隨

宜加減

人參

或有或無隨虛實用之氣不虛者不必用

右咀用水煎服○如發熱不解或痘未出之先宜加

柴胡以疎表或加防風佐之○如見點後痘不起發
或起而不貫或貫而漿薄均宜單用此湯或加糯米
人乳好酒肉桂川芎以助營氣○如氣虛痒塌不起
加川山甲炒用○如紅紫血熱不起宜加紫草或犀
角○如脾氣稍滯者宜加陳皮山查○如胃氣虛寒
多嘔者加乾薑炒用或加丁香○如腹痛兼滯者加
木香陳皮○表虛氣陷不起或多汗者加黃芪○氣
血俱虛未起未貫而先癢者加肉桂白芷○如元氣

大虛寒戰咬牙泄瀉宜去芍藥加黃芪大附子乾薑肉桂

六氣煎^二治痘瘡氣虛癢塌倒陷寒戰咬牙并治男婦陽氣虛寒等證

黃芪^炙肉桂人參白朮當歸炙甘草

右咀水煎服○加減法照前六物煎

九味異功煎^二治痘瘡寒戰咬牙倒陷嘔吐泄瀉腹痛虛寒等證○用代陳氏十二味異功散等方

人參

二錢

黃芪

二錢

當歸

熟地

各二錢

炙甘草

七分

或一錢

丁香

三五分

肉桂

一錢

乾薑

炮一錢

製附子

一二錢

右量兒大小加減用水一鍾半煎七分徐徐與服之

○如泄瀉腹痛加肉豆蔻麩炒一錢或加白朮一二

錢

透邪煎

二

凡麻疹初熱未出之時惟恐誤藥故云未出

之先不宜用藥然解利得宜則毒必易散而勢自輕

減欲求妥當當先用此方為主

當歸

二錢

芍藥

酒炒一錢

防風

七分

荊芥

一錢

炙甘草

七分
升麻
三分

水一鍾半煎服○如熱甚脉洪滑者加柴胡一錢○

此外凡有雜證俱可隨宜加減

牛膝煎

二錢

截瘡大效凡邪散已透而血氣微虛者宜此

主之

牛膝

二錢

當歸

陳皮

各三錢

右用好酒一鍾浸一宿次早加水一鍾煎至八分溫

服

何人飲

五

截瘧如神凡氣血俱虛久瘧不止或急欲取

效者宜此主之

何首烏

自三錢以至一兩隨輕重用之

當歸

二錢

人參

三五錢或一兩隨宜

陳皮

二三錢大虛者不必用

煨生薑

三片多寒者用三五錢

水二鍾煎八分於發前二三時溫服之○若善飲者

以酒一鍾浸一宿次早加水一鍾煎服亦妙再煎不

必用酒

追瘡飲

又二五

截瘡甚佳凡血氣未衰屢散之後而瘡有

不止者用此截之已經屢驗

何首烏

一兩製

當歸

甘草

半夏

青皮

陳皮

柴胡

各三錢

右用井水河水各一鍾煎一鍾祖亦如之同露一宿

次早溫服一鍾飯後食遠再服一鍾

木賊煎

二六

凡瘡疾形實氣強多濕多痰者宜此截之大

效

半夏

青皮

各五錢

木賊

厚朴

各三錢

白蒼朮

枳

榔

各二錢

用陳酒二鍾煎八分露一宿於未發之先二時溫服

牙皂散

七二

治胃脘痛劇諸藥不效者服此如神

用牙皂燒存性以烟將盡為度研末用燒酒調服一

錢許即效

荔香散

八二

治疝氣痛極凡在氣分者最宜用之并治小

腹氣痛等證神效○又心腹久痛方如後

荔枝核

炮微焦

大茴香

等分炒

右為末用好酒調服二三錢○如寒甚者加制過吳茱萸減半用之○凡心腹胃脘久痛屢觸屢發者惟婦人多有之用荔枝一錢木香八分為末每服一錢清湯調服數服除根

豕膏

二九

內經曰癰發於隘中名曰猛疽猛疽不治化為

膿膿不寫塞咽半日死其化為膿者寫則合豕膏冷食三日已○此必以猪板油煉淨服之也

又萬氏方○治肺熱暴瘡○用猪脂一斤煉過入白蜜一斤再煉少頃濾淨冷定不時挑服一匙即愈○按此方最能潤肺潤腸凡老人痰嗽不利及大腸秘結者最宜用之

又千金方○治關格閉塞○用猪脂薑汁各二升微火煎至二升加酒五合和煎分服之

愚意先以當歸半斤濃煎取汁煉過猪脂一斤同煉去其水氣乃入白蜜一斤再煉少頃濾淨收貯不時

挑服用治老人之秘結及噎膈閉結等證必無不妙
如果陽氣不行者仍加生薑四兩同當歸煎入或宜
酒者以酒送服亦可或氣有不利者加杏仁二兩去
皮尖同前煎入皆妙或有滯者當以飴代蜜更妙是
即內經所謂以辛潤之也

霍傷寒結胸法三凡病傷寒結胸其中有中氣虛弱不堪
攻擊內消者須以此法外霍之則滯行邪散其效如
神

葱白頭 生薑 生蘿蔔

此味加倍如無以子代之

右用葱薑各數兩蘿蔔倍之共搗一處炒熟用手巾或白布包作大餅罨胸前脹痛處此藥須分二包冷則輪換罨之無不即時開通汗出而愈但不宜太熱恐炮烙難受也

又法以大蒜一二十頭搗爛攤厚紙或薄絹上貼於脹處少頃即散用治一切脹痛無不神效

連翹金貝煎三治陽分癰毒或在臟腑肺膈胸乳之間

者此方最佳甚者連用數服無有不愈

金銀花

貝母

土者更佳

蒲公英

夏枯草

各三錢

紅藤

七八錢

連翹

一兩或五七錢

用好酒二碗煎一碗服服後煖卧片時○火盛煩渴乳腫者加天花粉○若陽毒內熱或在頭頂之間者用水煎亦可

連翹歸尾煎

三治

一切無名癰毒丹毒流注等毒有火

者最宜用之

連翹

錢七八

歸尾

錢三

甘草

錢一

金銀花

紅藤

各四錢五

用酒煎服如前

如邪熱火盛者加槐蕊二三錢

桔梗杏仁煎

三三

此桔梗湯之變方也○治欬嗽吐膿痰

中帶血或胸膈隱痛將成肺癰者此方為第一

桔梗

杏仁

甘草

錢各一

阿膠

金銀花

麥冬

百合

夏枯草

連翹

錢各二

貝母

錢三

枳殼

錢半

紅

藤

錢三

水二鍾煎八分食遠服○如火盛兼渴者加天花粉

二錢

當歸 蒺藜 煎

三

治癰疽瘡疹血氣不足邪毒不化內無

實熱而腫痛淋漓者悉宜用之此與芍藥蒺藜煎相
為奇正也當酌其詳

當歸 熟地

芍藥

酒炒

何首烏

各二錢

炙甘草

防

風 川芎

荊芥穗

白芷

各一錢

白蒺藜

炒搗碎

三錢或

五錢

右或水或酒用二鍾煎服然水不如酒或以水煎服

後飲酒數杯以行藥力亦可○陽虛不能化毒者加桂枝甚者再加乾薑附子○氣虛不化者加黃芪人參○毒陷不能外達者加川山甲或皂刺

芍藥蒺藜煎三五治通身濕熱瘡疹及下部紅腫熱痛諸瘡神效外以螻蛸粉敷之

龍膽草 梔子 黃芩 木通 澤瀉各錢半 芍藥

生地各二錢 白蒺藜連刺槌碎五錢甚者一兩

水二鍾煎八分食遠服○如火不甚者宜去龍膽梔

子加當歸茯苓薏仁之屬○如濕毒甚者加土茯苓
五錢或一二兩

降癰散

三六

治癰疽諸毒消腫止痛散毒未成者即消已

成者斂毒速潰可愈若陽毒熾甚而疼痛勢凶者宜
先用此方其解毒散毒之功神效最速○若堅頑深
固者宜用後方

薄荷

辛佳者
用葉

野菊花

連根葉
各一握

土貝母

半
之茅根一握

右乾者可為末鮮者可搗爛同貝母研勻外將茅根

煎濃湯去粗用調前末乘熱敷患處仍留前刺湯頓
煖不時潤於藥上但不可用冷湯冷則不散不行反
能為痛約數半日即宜換之真妙方也

後方 凡疽毒堅頑深固及結核痰滯宜用此方

腦荷

倍用

生南星

土貝母

朴硝

各等分

石灰

風化者亦

倍用或倍
倍用之

右同為末用鹽酒調杵稠粘敷患處經宿乾即易之
不必留頭若膿成者留頭亦可或炒熱攤絹上隔絹

貼之亦可或用麻油調或用熱茅根湯調亦可若欲止痛速效加麝香或冰片少許更妙

百草煎

三七

治百般癰毒諸瘡損傷疼痛腐肉腫脹或風

寒濕氣留聚走注疼痛等證無不奇效

百草 凡田野山間者無論諸品皆可取用然猶

以山草為勝辛香者佳冬月可用乾者須預為收採之

右不論多寡取以多煎濃湯乘熱薰洗患處仍用布

帛蘸熨良久務令藥氣蒸透然後敷貼他藥每日二
三次不拘但以頻數為善蓋其性之寒者可以除熱
熱者可以散寒香者可以行氣毒者可以解毒無所
不用亦無所不利湯得藥性則湯氣無害藥得湯氣
則藥力愈行凡用百草以煎膏者其義亦此此誠外
利中最要最佳之法亦傳之方外人者也○若洗水
鼓腫脹每次須用草二三十斤煎濃湯二三鍋用大
盆盛貯以蓆簾遮風薰洗良久每日一次或二次內

服廊清飲分利等劑妙甚

螬蛸散

三

治濕熱破爛毒水淋漓等瘡或下部腎囊足

股腫痛下疳諸瘡無不神效○又海藏治下疳方在

外科下疳門

海螬蛸

不必浸淡

人中白

或人中黃礪砂亦可等分

右為細末先以百草多煎濃湯乘熱薰洗後以此藥

摻之如乾者以麻油或熬熟猪油或蜜水調敷之○

若腫而痛甚者加冰片少許更妙○若濕瘡膿水甚

者加蜜陀僧等分或煨過官粉亦可或煨制爐甘石更佳

腸癰秘方

三九

凡腸癰生於小肚角微腫而小腹隱痛不

止者是若毒氣不散漸大內攻而潰則成大患急宜以此藥治之

先用紅藤一兩許以好酒二碗煎一碗午前服
醉卧之 午後用紫花地丁一兩許亦如前煎服
服後痛必漸止為效然後服後末藥除根神效

當歸

錢五

蟬退

殭蚕

錢各一

天龍

大黃

錢各一

石蠟

虵

五錢此
草藥也

老蜘蛛

二個捉放新瓦上以酒鍾
蓋定外用火煨乾存性

右共為末空心用酒調送一錢許日逐漸服自消

槐花蕊

十四

治楊梅瘡下疳神方

凡綿花瘡毒及下疳初感或毒盛經久難愈者速用
新槐蕊揀淨不必炒每食前用清酒吞下三錢許早
午晚每日三服服至二三升則熱毒盡去可免終身
除毒之患亦無寒涼敗脾之慮此經驗神方也如不

能飲即用滾水鹽湯俱可送下但不及酒送之效捷也

飛丹散

一四

治寒濕風濕脚腿等瘡

飛丹

人中黃

白更妙

輕粉

水粉

各等分

為末凡濕爛者可以乾摻外用油紙包蓋○若乾陷者以猪骨髓或猪油調貼之○先以百草煎湯乘熱薰洗然後貼之日洗數次妙

綿花瘡點藥

二四

杏仁

取霜輕粉真者

二味等分為末敷於瘡上二三日即痂脫而落

又武定侯方用雄黃錢半杏仁三十粒去皮輕粉一錢同為末用雄猪膽汁調敷之二三日即愈百發百中天下第一方

鷄子黃連膏

三治火眼

暴赤疼痛熱在膚腠淺而易解

者用此點之數次可愈若熱由內發火在陰分者不宜外用涼藥非惟不能去內熱而且以閉火邪也用

鷄子一枚開一小竅單取其清盛以磁碗外用黃連一錢研為粗末摻於鷄子清上用筋徹底速打數百使成浮沫約得半碗許即其度矣安放少頃用筋撥開浮沫傾出清汁用點眼皆勿得緊閉眼胞擠出其藥必熱淚湧出數次即愈○內加冰片少許尤妙○若鷄子小而清少者加水二三匙同打亦可

金露散

四

治赤目腫痛翳障諸疾

天竹黃

擇辛香者用

海螵蛸

不必浸洗

月石

各一兩

硃砂

飛爐

甘石

片子者佳煨淨童便
七次飛盡各八錢

右為極細末磁瓶收貯每用時旋取數分研入冰片
少許諸目疾皆妙○若治內外皆障取一錢許加珍
珠八釐膽礬三眚內珍珠須放豆腐中蒸熟用○若
爛絃風眼每一錢加銅綠飛丹各八釐○如赤眼腫
痛每一錢加乳香沒藥各半分

二辛煎

五四

治陽明胃火牙根口舌腫疼不可當先用此

湯漱之漱後傳以三香散或仍服清胃等藥以治其

本

北細辛

三錢

生石膏

一兩

右二味用水二碗煎一碗乘熱頻嗽之

冰玉散

四六

治牙疳牙痛口瘡齒衄喉痺

生石膏

一兩

月石

七錢

冰片

三分

殭蚕

一錢

右為極細末小磁瓶盛貯敷之吹之

冰白散

四七

治口舌糜爛及走馬牙疳等證

人中白

倍用

冰片

少許

銅綠

用醋製者

杏仁

二分

等分

右為細末敷患處○此方按之古法有以人中白七分與枯礬三分同用者○又有以蜜炙黃柏與人中白等分仍加冰片同用者是皆可師之法諸當隨宜用之

代匙散四治喉痺

月石

石膏

各一錢

腦荷

五分

膽礬

五分

粉草

三分

殭蚕

炒五

分冰片

一分

皂角

炙烟盡五分

右為細末用竹管頻吹喉中○加牛黃五分更佳

三香散

四九

治牙根腫痛

丁香

川椒

取紅等分

永片

少許

右為末敷痛處○如無川椒以葷撥代之亦可

固齒將軍散

十五

治牙痛牙傷胃火糜腫久之牢牙固齒

錦紋大黃

炒微焦

杜仲

炒半黑各十兩

青鹽

四兩

右為末每日清晨擦漱火盛者嚥之亦可

薰疥方

一五

硃砂

雄黃

銀硃

各三分同研

大楓子

木鱉子

各三

個

右將大楓木別先搗碎乃入前三味拌勻外以乾艾鋪捲成筒約長二寸許足矣凡薰時須將遍身疥癩悉行抓破薰之始效後五六日復薰一筒無不悉愈

杖丹膏

五二

猪板油

斤半

黃占

兩

輕粉

錢三

水銀

錢三

冰片

分三

先將水銀輕粉同研細俟猪油熬熟去滓先下黃占溶化後入末藥攪勻收貯以水浸二三時令出火毒

用竹紙攤貼覺熱即換輕者即愈重者不過旬日

銀硃烟

五

治頭髮生虱及諸瘡之有蟲者

用銀硃四五分揩擦厚紙上點着置一乾碗中上用一濕碗露縫覆之其烟皆着於濕碗之上乃用指揩擦髮中覆以毡帽則蟻虱皆盡矣○此烟以棗肉和捻作餅或作丸或擦於猪鷄熟肝之間用貼諸瘡癰之有蟲者及蟲蝕肛門者以綿裹棗丸納肛門中一宿無不神效須留綿帶在外以便出之

雷火鍼

五

治風寒濕毒之氣留滯經絡而為痛為腫不

能散者

五月五日取東引桃枝去皮兩頭削如鷄子尖樣長
一二寸許鍼時以鍼向燈上點着隨用紙三五層或
布亦可貼蓋患處將熱鍼按於紙上隨即念咒三遍
病深者再燃再刺之立愈 咒曰天火地火三昧真
火鍼天天開鍼地地裂鍼鬼鬼滅鍼人人得長生百
病消除萬病消滅吾奉 太上老君急急如律令○

又雷火鍼新方乃以藥為鍼者其法更妙

白芷 獨活 川芎 細辛 牙皂 川山甲

炮倍

用丁香 枳殼 松香 雄黃 乳香 沒藥

杜仲 桂枝

錢各一

硫黃

錢二

射香

不熟艾

二兩

右搗為粗末和勻取艾鋪底摻藥於上用上好皮紙捲筒先須用線絆約兩頭防其伸長然後加紙再捍務令極實粗如鷄子尖樣是其度也乃用鷄子清盡刷外層捲而裹之陰乾用法如前○一方有巴豆仁

八分蟹螯三錢去頭足翅用

疥癬光

五五

治疥瘡搽上即愈癬瘡亦妙

松香

一錢

水銀

硫黃

枯礬

各二錢

樟腦

二錢

或

麻

油

右先將松香水銀加麻油少許研如糊後入三味研如膏擦之神效

鷲掌瘋四方

五六附錄

猪胰一具去油勿經水

花椒

三錢

右用好酒溫熱將二味同浸二三日取腴不時擦手
微火烘之自愈

又方 用白砒三錢打如豆粒以麻油一兩熬砒至
黑去砒用油擦手微火烘之不過二三次即愈

又方 用蔥五六根椎破再用花椒一把同入磁瓦
罐中入醋一碗後以滾湯衝入薰洗數次即愈

又方 用穀樹葉煎湯溫洗以火烘乾隨用柏白油
擦之再以火烘乾少頃又洗又烘如此日行三次

不過三五日即愈

秘傳水銀膏

五七

擦治楊梅瘋毒潰爛危惡多年不愈者

經驗神方

黃蘗

黃連

各一錢

川大黃

五分三味另研

雄黃

膽礬

青黛兒茶

銅青

各三分

輕粉

枯礬

各四分

大楓子

去油取淨霜五分黑者勿用

珍珠

一分半生用

冰片

一分半二味另研

人言

人壯者七厘弱者半分中者六厘

右十四味為極細末分作三分每分約一錢八分

番打麻 另為末若瘡重而人壯能食者每分用
五分人弱不起者每分用三分中者四分以末
入前藥各分內研勻

水銀 人健者每分用一兩或八九錢中者或五
六錢卧床不起而極弱者只可用三錢決不可
再多矣

右先將麻汞并前藥各一分俱入盞內再入真芝麻
油少許用手指研開務使汞藥混為一家漸次增油

久研以不見汞星為度大約如稀糊可矣○一擦法
用此藥擦手足四腕動脉處每藥一分務分擦三日
每日早晚各擦一次每次以六七百數為度擦完用
布包之擦藥時凡周身畧有破傷處俱用無麝膏藥
貼之膏藥須厚攤每二日一換換時不可經風常須
避帳幔中冬月須用厚被煖炕他時亦須常煖南方
則多用被褥蓋墊可也擦至七日毒必從齒縫中發
出口吐臭涎若口齒破爛出血但用甘草蜂房煎湯

候冷漱解不可嚥下輕者只以花椒湯漱之亦可擦處必皮破不可畏疼而少擦也○忌鹽十餘日多更好并魚腥生冷沙氣發風等物一個月尤忌房事外如牛肉燒酒團魚之類須忌二三年惟蕎麥麴羊肉則終身忌之○治楊梅瘡初發者五六日可愈但每分用汞四五錢足矣○若治蛙幹痺瘡或咽喉潰爛或遍身牛皮瘡癬俱照前中治法○若治久爛臙瘡爛處難擦則擦脚心俱照前中治法亦布包貼膏如

前○一自擦起之日即當服後敗毒散至七日後發口則止

二十四味敗毒散

銀膏
隨前水

當歸
川芎
生地
熟地
芍藥
牛膝

防風 荊芥 白芷 防己 慫冬 桔梗

羌活 獨活 白癬皮 薏仁 連翹 木通

陳皮 粉草 黃蘗 知母 梔子 黃連

右每貼加土茯苓乾者四兩鮮者須半斤用水六碗

煎三碗分三次每日早午晚各服一碗 右方後四
味須察其人陰陽寒熱酌而用之

按右水銀膏方凡用此者其於筋骨經絡無處不到
既能追毒亦善殺蟲若用治大麻瘋證必有奇效但
未經試故表諸此以俟後人試用之或於大瘋條擇
煎劑之相宜者同用尤妙倘獲濟人其幸多矣

臙瘡隔紙膏

五八

黃占

五兩

飛丹

鉛粉

各四兩

輕粉

乳香

沒藥

各二

錢

永片三分麻油

春夏二兩
秋冬三兩

右先將占油煎五六沸下乳沒再二三沸下輕粉隨下丹粉槐柳枝攪十餘沸取起冷定後下水攪勻瓶盛浸水中一宿出火毒先以苦茶洗瘡淨將膏用薄油紙刺孔厚攤間日番背面貼之三日一換三貼即可愈

完瘡散

五九

治濕爛諸瘡肉平不斂及諸瘡毒內肉既平

而口有不收者皆宜用此最妙

滑石

飛一兩

赤石脂

飛五錢

粉甘草

三錢

右為末乾摻或用麻油調敷○或加枯礬一錢痒者極宜○若痒甚者必有蟲先用水銀三四錢同松香二錢研勻後拌前藥和勻傳之



景岳全書卷五十一